

大德辛丑

嗣天師張真

人如燕室

張真

張真

內醮玄教名流並翼然景從王子由馬志道在
焉明年來歸志道出往來吟卷及手畫桑乾龍
門二圖僕幸得一見隨喜居頃之遂以所作霞
外諸詩俾為之序僕既嘆羨有加因之又念雪
巘翁極父師之教至此而玉其成且行卷所存
多禮樂光華之典據後之君子錄名山故事尚
於茲存攷二者皆當表著而復計付自車書混
一南北通轅千名逐利者去來幾何人嘗試使
之述周漢之遺跡大川喬岳之勢狀與城郭人

民之今若古或者漫不知省必待詩人采掇歸
之筆下如好音嬀色動人觀聽一何異哉然後
知先王之澤先民情性不逐有形而弊而事事
物物見之聲文氣韻萬古可一息辨也合是為
序要非窺言抑孝友德履詩之根本也志道寧
親於家庭甘旨如意領弟於精廬意愛無斃交
往朋從久敬弗替而於僕也又以翰墨遊戲相
予無間其何說之詞為詩若干首古今體制具
在而馴雅如其人覽者自見淮陰龔開聖子甫
序于西湖客舍昔年八十一

錢塘有隱君子曰馬虛中其資也粹其學也正
其言也文其居家焉於孝弟清勤恬雅動以古
人自飭暨出家着道士服隱約西湖之濱士大
夫慕與之交不過習清虛談淡泊無一言及勢
力聲利而世之能寒熱人者尔尔我我進退語
嘿之間一言不少屈蓋重內而簡外信已而不
求人知而人之知者誠心說服焉噫君子哉予
與虛中游有年平昔已敬其人一日虛中携詩
卷相示大抵以平夷恬澹為體清新圓美為用
陶裏衷于空合道於趣渾然天成不止於烟雲花

草魚鳶而已鄉有雪巘楮先生者博學卓行之
士也執古刀尺裁量晚後虛中從之學盡得其
微妙况汗漫萬里遠覽崧岱之雄拔江河濟淮
之奔放近挹兩峯三潭六橋之佳麗秀整文廣
視關曾次宏豁宜其筆力不凡如此昔人謂不
行萬里不可讀杜詩而夔州以後殊更老成予
於虛中之歸不但放一頭且畏之矣西湖物物
是詩料秋來日日是詩思尚當與子吟嘯于乾
坤萬象之表大德六年九日里人仇遠序

余於虛中不獨愛其詩而止虛中早從碩師自
寄方外志趣端正待

詔金馬浩然賦歸杜門擇交遠跡聲利小軒幽
寂與湖山鷗鷺精神往來詩未盡興溢為丹青
點綴精妍詩意故在矧其出入衆體妙句可傳
每歎松叔夜郭景純雲孤鶴逸高致欲仙不能
脫礙人聞千載詩人猶有遺恨而許遠游名山
杖屨之與陶貞白金籠水草之喻此之為高士
逸人耳後來作詩專門大家何限及見林逋魏
野孤聯隻字便自使人意消乃知姚魏名花非

不天然富麗至深林之下露蘭霜菊政爾丘壑
過之余欲摘虛中詩顧未暇童子在傍問所摘
余為舉達人 不患貧貞女不事媚靜知春事佳
老覺世味熟古交山上松今交陌上花某丘有
樹猶堪宿何處無魚可療飢瘦梅喜浸古壘盜
老態怕着新衣裳後世視此數聯以為何如人
也廬山黃石翁為馬虛中霞外詩序

霞外詩集卷第一

虛

中

馬

臻

志道

春霽書懷

紛雨洗游塵潤物亦已足
淑氣浮芳鮮山澤一時綠
四鴈遠零亂流雲高
斷續伊余愜所向偶
景相穆穆好鳥如含情
不語立嘉木靜知春事
佳老覺世味熟遂展平生情
誰復辨蕉鹿

五雲山寫望

少乏超絕姿瘦鶴存野格
乾坤心自放頗覺塵
土窄安得千金橐使我窮
地脉征途多荆榛此



志寧復得今晨躋山巔納納瞰廣陌正東臨大江
鬢鬢海外國孤帆揚長風靜入秋氣白層巒
引列嶂下有雲霧隔不知誰家棲定兀立遠色
禹穴指顧外歷々禾黍黑巖蕩千古愁人世一
過客高歌據苔石坐見日車反目極窮冥搜一
鴈長空沒

山中早梅

孤根徹后土破冷爭春回惜哉冰雪姿落此荆
榛隈若生白玉堂不負黃金壘一見一惆悵再
歌再徘徊未央宮中花直待羯鼓催

遣興二首

長日閉門坐軒車誰與親鶯花欺白首鮭菜足
青春今古斯文在江湖舊業貧丹心不可道風
雨夜來頻
老木蒼、合幽禽、喧坐長樓轉影靜極客
忘言雲物何時定亭臺幾處存虛懷推至理隨
意且芳樽

竹窓

竹窓西日晚來明桂子香中鶴夢清侍立小童
閒不動蕭、石鼎煮茶聲

題墨竹

拂雲標格歲寒心
墨色分陰重又輕
不似渭川千畝綠
只和風雨作秋聲

雪夜仇仁近屠存博歎先輩過山房分韻得朝字

濕雲結空寒氣驕
雲根石觀埋山腰
山人宴坐觀物化
竹風松雪聲飄蕭
二三才子相招邀
聯軒過我歡清宵
小閣閉暖蠟光搖
案頭置酒羅桂椒
劇談若與元氣合
銅匱火冷青烟消
城樓殘更敲短夢
新眠縱客嘲邊韶
我無詩才學李

杜又無仙術，追松喬。人生以會，能有幾。今朝未必知來朝。請君得意歌且飲，江上春風吹柳條。

偶成

昔嫌上界多官府，不道人間足是非。四十年來悲喜夢，倚闌閒看柳花飛。

詩愁

城中親舊渾零落，湖上園林幾變更。只有詩愁消不盡，旋隨芳草眼前生。

春日幽居

淺、春風尚帶寒。日斜香篆半燒殘，杏花一樹

開如錦怕觸啼鶯不倚闌

春雨

良會時不偶徒為物所嬰
驚雷啓群動有鳥遷
喬鳴徙倚流遠日彌川
去平風色誤花信春
光消雨聲念此睽心賞
取菹聊自傾幾微存倚
伏茲理何冥孰能繼
高唱欲罷難忘情

寄題終南山甘河鎮遇仙宮

七真遇呂公傳道處

秋空劍別洞庭波
道本忘言又若何
人事百年迷苦海
仙源一脉會甘河
金蓮既秀真無待
玄理雖深語不多
惆悵終南望鶴遠
五雲宮闕自

嗟峨

湖中春游曲

堂：復堂：畫鷁誰家郎綉旌鴛頸冷膳府鸞
刀光傾椒注桂邀流芳楚腰絡索聞懸璫瑩篔
急響如相惱岸頭折盡忘憂草黃金憤積自媒
身隨肩滿席推嗔老牙籤萬軸齒不拈孟客何
賓跡如掃柳綿撲：乘風吹花翎小鳥啼訴誰
玉卽沉醉晚未醒春光去矣猶不知

白鷺

吟肩高聳受風吹西塞山邊細雨時不染丹青

療

愁鶴妬自矜清白見鷗欺某丘有樹猶堪宿何
處無魚可餽餓振飛來應得意也曾物色到
周詩

為葛元白賦閒境

大觀均喧寂結廬在人境所以葛天民妙處心
自領靜者非有期物役敢馳騁有時絃歌聲清
絕百慮屏坐久白日動歷亂竹木影翻笑龐德
公深向鹿門隱山林野客如適藏造次數上君
子堂先生高卧北窓下曲肱一覺回羲皇門前
參差錯自車馬黃塵烏帽春茫、春茫、日欲老

中有青天白雲落花芳草夢回不記邯鄲道

危坐

危坐不覺久月照一庭綠三更白露下夜氣濕
野服恬快夫悲喜親聽非耳目間將黃庭經更
趁月下讀

越中言懷

分甘茅屋老蒼苔不是明時棄不才避社燕歸
楊柳合趁虛人散鷺鷥來半江落日明漁浦兩
岸回潮掠釣臺吳越爭雄俱一夢羊、杜若滿
汀開

游雷峯寺

雷峯壯南屏，塔堵林外出。
老僧舊識面，邀我一
登陟。高回星漢流，靜壓山水碧。
晝有白雲飛，夜有明月入。
諸佛似安禪，脉脉度朝夕。
野人怯高險，欲上股先慄。
不如履平地，彼其無得夫。

初春即事

東風又到武林城，靜裏看春各有情。
怕說利名多晝睡，愛尋山水每閒行。
傍人冷笑營巢燕，未友翻憐出谷鶯。
世事不窮時易失，翠微深處夕陽明。

二禽篇

杜鵑杜鵑聞爾曾為蜀天子一自城荒爾身死
當年御極日萬幾何苦今朝自如以恭聞太上
垂玄言治大國兮烹小鮮深情縵逸不追悔無
端却恨春山烟毛衣縷縷滿身黑萬里岷峨歸
不得六合茫茫啼一聲春風為爾無顏色
鷓鴣鷓鴣不知春色何負汝每到春來聲更苦
百年不得此身安尚憶當時在行旅爾不學大
鵬一舉培風兩翼如雲垂又不學籬邊斥鷃
翔飛躍蓬蒿枝黃陵廟前茂春草空遺怨恨傳

新詩江南二月煙花亂子：孫：自呼喚說盡
人間行路難淒風若雨心腸斷

貴公子

麝沉灰煖瑞烟輕十二闌干轉畫屏翠袖閒調
鸚鵡語牙牌分勝牡丹名半垂簾幙因春冷未
放笙歌為宿醒聽：涼蘇風不定隔牆時送賣
花聲

雪

冷逼街頭酒價高晚來風急更蕭騷青樓醉舞
不歸去江上一簑憐汝曹

送仲澤邢講師回汴梁

寒日照吳山北風吹汴水
山水一望間客路二
千里是時玄冬月飛光促短晷
之子忽言邁孤舟送行李
仰睇極空煙嘶鴻入幽耳
人生難滿百會合良有幾
四海非無文利害射如天
鸞鳳慕竹實雞蟲競糠粃
悲哉道不同反為世所恥
所以送君行感慨莫能已
中條萬古青旦暮白雲起
何時來卜鄰結茅白雲裏

奉酬容齋徐廉使

魯國真儒惟一人魯國多士徒
紛紜紫微列宿

光燐：燭未蘇彼南州民夫子之才難比教復
使清時見伊呂一夜霜風動列城點香縮膽如
餓鼠棠陰欲轉公事餘高堂晝永娛琴書千村
萬落雞犬靜山民野婦安樵漁昨朝來過幽人
屋疊：玄談唾珠玉他日重期掃石床為啜山
茶薦秋菊

吳江夜泊

不見天隨子令人逸興孤村砧聲自荅岸
相呼河漢回西極星辰入大湖古情吟不盡明
月照姑蘇

宮怨

多愁多怨怕春天
花外時聞警蹕傳
金縷綉衣
渾不稱餘香
猶帶御爐煙

釋宮怨

萬頃恩波一寸心
玉堦青草斷車聲
文章近日
無人愛
休把黃金乞長卿

張野泉階虛谷方便君趙春洲數光輩
見訪即席賦詩各以酒字為韻

幽居局青春
水軒僅如斗
敲門問誰來
過我得
良友浮雲無停陰
霽色破古柳
人生不自遠
歲

月欺老醜欲挽湖水春添我中酒酒盡意不盡
落日照魚筍掀髯出門去悲歡一何有

簡野泉兼呈同席諸公

黃河一清一千年天下何代無才賢蘭亭會散
日已遠茂林修竹閒風煙西湖山水古奇絕佳
句已屬峨眉仙我住湖邊六七載其跡雖滯心
玄、靜觀群動趨變化敢與物態分姪妍不知
門外春已晚游絲暖絮晴相牽每思古人去不
返肝膽隔仄愁如懸誰言我輩異古昔賴有古
人張野泉携詩載酒忽扣戶須臾品饌羅其前

座中群彥皆詩伯，侈靡齊梁不足律。坐驅澆薄
回大雅，氣豪頗覺天地窄。君家城東我城西，一
見忽憶數年隔。吁嗟歲月不待人，况復此會難
再得。狂歌浪飲春三鷲，刺水殘山晚蕭瑟。酒闌
客去竹木靜，坐久稍已收衆色。向來喧寂何所
之，遽、夢破東方白。

月下聞鶴

山對澄湖樓對山，愛山終日倚樓看。洞天何處
鶴歸晚，月下一聲風露寒。

奉簡似山郭高士

仙翁仙島住應運下人寰讀易天心易論詩春
思間鍾磬太一殿草色武林山應有推敲者月
明來扣闌

送郭似山回張洞

春風吹沙春草長雜花媚煙飛野香幽華裊々
泣雨色人間光景勞中腸赤城老仙呼鶴起迢
迢直度太湖水玉洞碧桃凝古芳玄扃窈窕羅
躑躅吟詩贈別情相関霧節風幢我日還歸來
無語生幽寂啼鴉一聲春晝閒

題龍舟卷

樓船耀日青天轉容與中流棹歌遠漢武仙游
竟不還汾陰幾度秋風晚至今流水愁無聲空
令畫筆勞經營人間萬事等一笑雲淡天長千
古情

無事

無事每日不出戶滿院松竹森交加晝眠厭聽
啄木鳥早涼喜見牽牛花一真自可了生死萬
事不必論等差誰能屑管迎送客來且試山
中茶

瑞鶴詩上

大宗師真人

皇、古道尊三五雲從龍兮風從虎

至尊垂拱四海寧詔令昭事玄元祖維時羽服

昕趨朝環珮參差肅儀矩大哉

聖德合天心霓旌晝下胎仙舞初疑瑞雪飄晴

空漸似雲衣來玉宇瑤壇春靜立多時碧落風

清更延竚奇祥所致森有神闔闔門開又高舉

是日

天顏喜色動蕩、防陪灑千羽乃知無為無不

為真化風行邁前古真人有道通杳冥力扶至

教垂常名野人獻詩欣再拜山林自以陶休明
上迄

景祚康黎民

萬歲千秋歌太平

龔聖予畫瘦馬行

在昔開元曹將軍健筆突兀老入神能貌明皇
玉驄馬博得聲價輕千鈞後來韓幹只畫肉少
陵不許肥失真寥寥此道我懸絕至理不付尋
常人淮陰龔公老儒者落筆文辭馳二雅有時
快意掃骨馬妙處不在曹公下畫時想極虛無

根思入萬里沙場昏凝精洞視色不變香冥之
中百體存相經合備渥洼種仰首鳴天鼻欲動
氣豪似與神龍爭疾雷迅電驚塵夢憶昨嫖姚
騎戰時旋雲轉霧飛四蹄翻然踏碎關山雪歸
來汗血光淋漓霜枯萬骨功誰利太平總為將
軍致如今衰瘦箭癩乾生駒却受黃金轡其馬
其畫絕世無先生慷慨傳其圖可憐韋諷日已
遠獨撫其畫深嗟吁北風動地天色慘展開猛
士寒搖膽詠罷新詩無限情卷向空齋白日晚

夜坐

空山高寒雲不凝
緜：夜坐神宇清
泥丸朝退
月露滴但聽下方
雞犬聲

贈雲屋瑞上人

曾擊鳴鞘羽衛前
毳袍錫杖且隨緣
田園賣盡
思行脚師友參多
孛坐禪閒說升平
猶淚下因
傷老大自心憐
回頭好趁歸時
路不見人半月
正圓

摘園橘寄戴祖禹

幽園逼湖水
闢地種嘉橘
時雨既霑濡
培養藉
春力憶昨開
小花清陰正
繁密疎簾白
風靜香

氣散書帙邇來八九月喜見纍：實因思造化
功具冰霜露質張華吟未工慧老畫不出大者
發至精錯落金相射小者凝元氣低垂綴寒碧
山鬼亦見避老鳥不敢喫昨朝喚山童提筐事
採拾落刃綠霧飛入手添脂濕我恐殄天物精
爽颯如失遙憐洞庭山萬樹風雨夕焉能飽一
看路遠不可即須更逸行廊吟詠意方釋童僕
不好事笑我太迂僻為君薦樽壘聊復慰相憶

項王

叱咤猶傳數里驚陰陵夫道已沾巾江東父老

羞相見忍可指軀遺故人

予崔雲山

埃風蕩天衆孤山卧秋草君家孤山下不厭孤
山好昔我山中房識君師侍傍白髮映蕉水紗
語回義皇聞君又絕粒然一宴華室道畢合神
風回車朝帝一刺魔誠所難有身良可嘆層陰
翳太景平陸翻狂瀾憶君出門去相看淚如雨
始欣天道還逸駕倏飄舉有詩君莫吟有酒君
莫斟神文動恍惚尚想聞空音我歌山日落松
聲起寥廓魂兮其有知為我來冥漠幽室苦夜

長思君念春陽春陽難復見短歌不成章

迷懷

家無負郭田何以懷歸耕豈不有他好復恐勞
其主窮居四十年富貴浮雲輕乳鳥喧高枝壯
心忽然驚所憂聞道晚德業將無成言此向知
已欲語已忘情

送郝景文

之京

江上草已碧送君陽別心聽雞臨曉色策馬度
春陰驛路燕山遠風花漢水深道人無外事林
下問除音

送孫大方講師回汴梁朝元宮

遊遍江南山水地
仙翁歸興動旌旄
青溪人去鶴聲怨
碧落風清劍氣高
驛路野花心獨遠
江
鄉夜月夢應勞
到家想得春風晚
開盡玄都觀
裏桃

山人

山人行止在山林
生怕候門說姓名
蟲臂鼠肝分得失
奴顏婢膝事逢迎
一聲啼鳥湖煙暝
滿地落花春雨晴
自煮新茶試新火
坐看斜日轉
窗明

送姬講師回京

冷雨逼古春春華濕蒼翠主意老不化節物為
憔悴憇、山川長念子之何地臨岐各慘淡草
草叙別意達人不患貧貞女不事媚至道貴沖
漠澹然有深致後會殊未期願君勉斯志

聞杜宇

飄泊身同泛梗萍羊、因爾更闌情半啼半哭
深含恨飛去飛來不住聲日落遠憐行客過風
微聞見落花驚故冢喬木彫零盡一夜月明芳
草生

步虛詞

逸轡太景阿蕭，導玄鈞虛節合萬春。高會冥
五神陰陽鼓靈風，一炁無不均。淡然眇至寂，大
道無跡親通路。非有待上仙，齊飛輪袞哉。貴終
道塵波淪肉人丘，埋祕濁骨天夜難。希晨靈明
喪愆穢，繾綣來去因。何不散爾想，復以空中真
虛舟。縱風柁放浪無涯津，期劫倏忽周真空。浩
無垠卓然吾，獨存會當晒靈椿。

看春

西湖二月春風豪，蒲芽一日三寸高。憑軒不語

笑桃李施朱點白真徒勞

春日寫望

遠山重疊限空明
淡拂生綃絕點塵
半舸夕陽喧酒客
一樓寒色倚詩人
早鶯懷舊隨時至
芳草無情着處新
却憶城中有貧者
杏花開盡不知春

山中寒食

青陽轉節候雜芳
麗原隰山中寒食近
啼鳩亦已急
新塚有人祭
古墓無人泣
傷心名利骨
瑟瑟土花濕
石馬悲無聲
空對東風立

春霽陪葛元白游南山

積雨淹幽事初晴得以晨間舟尋上客放步約
同人偶入招提境如酬宿昔因禪心本無住吾
道豈憂貧城郭千年鶴林立一聚塵歡娛時一
偶激越意空陳路改疑前夢雲孤憶老親彈琴
僧舍晚覓句酒家春聞水文輕毅平蕪展細茵
目驚流節駛心醉古風淳久識窮非鬼難言筆
有神感深將下渚喜極欲忘身蹭蹬繁花老陰
沉亂葉新野夫元懶放杜宇足酸辛更欲東蒙
隱難期北郭鄰有懷聊自遣愧爾葛天民

喜晴

久雨山水暗，衆雞鳴膠。貧居匪琴書，何以勝
寂寥。今晨戶牖白，天宇回光昭。日華引生意，衆
卉綠寒條。浮陰滅餘遠，帶六橋蜂聲逸。樹
轉水影和，春搖豈不展。好懷潤我顏色，凋床頭
濁醪熟。清士亦可招，俯仰已陳疇。能計明朝
田家
地偏生事僻，轉覺入城遙。大吠三叉路，人行獨
木橋。炊烟時滅，村酒自招邀。昨日蚕新浴，柔
桑綠滿條。

姑蘇逢鄧覺非

春夏忽已交，放舟別吾廬。計日念行邁，薄言寓
姑蘇。出門無所從，桑麻藹丘墟。與君敦夙好，避
逅臨長衢。指我屋頭柳，高陰正扶蘇。一室無長
物，清心有琴書。洗觴酌醇酎，呼童摘畦蔬。乃知
天壤間，靜者樂有餘。名者實之賓，此語真不虛。

熱

盛夏勢莫當，昊天日亭午。亢陽派赤光，崇岡裂
焦土。夸父不知疲，喝死自罹苦。何不挽滄溟，大
霑天下雨。

寄越上友人

分袂沙邊兩歲餘
生涯別後竟何如
雲迷禹穴無來信
秋隔吳山有故居
思斷碧天江漢水
吟低白日雨疎、
郊墟昨夜新涼入
珍重佳兒好讀書

和陳無逸見寄詩韻

感君高誼曾傾蓋
豈意今朝辱贈詩
律筆驚人秋浩蕩
涼羊傷我老差池
論文每恨識不早
題橘徒能寄所思
便欲相期賦招隱
許疎難辨買山資

身世

身世寄悠悠，閨門寂似秋。
清孤劍化齒，落萬緣休。
歌枕日下，樹捲簾雲入樓。
近來添薛荔，生滿屋山頭。

中秋見月

去年中秋月團圓，上林藪文士，西三人竟夕坐。
相守精光浮白空，誰見蝦蟆醜觴酌雜歌吟待。
得下高柳，今年中秋月輝，入窓牖照我如有。
期惟我樽無酒，月是去年月，不復去年友人主。
如風花聚散，良不偶，賢愚與貴賤，肉骨同一朽。

我今見明月再拜復稽首側聞古老言其言豈
虛有正秋三五滿萬里絕纖垢玉兔搗神藥服
之壽長久我無周生術安得月在手天梯邈難
攀中局欲戎戎萬方浩漫日月輪又西走

秋日山家

落葉不肯住階前知幾重
飢禽窺綻栗危石俯
喬松日午客初到路迷雲更封
何時了塵事卜
藥肯相容

為張仲美畫夢元遺山雪夜論詩圖

虛炤焦玄根古道日淪墜
安知大化中元氣塞

天地遺山與仲美先後本一揆上士以神契冥
冥感靈會長淮夜風雪清夢短檠對玄趣非名
言豈索形骸外煌煌三百篇光焰高百世曰予
託入境塵土觸肝肺若吟愧蠅鳴况復事粉繪
諸公足題品靡不發真秘持其寄遠心江漢已
秋意中有號風蟬哀響寒翠

存以山寄清游橐

秋風杖錫別多年細讀新詩盡極玄却憶姑蘇
雲外寺月明誰伴夜深禪

秋日即事

芙蓉涼淺未全紅
稚子攔街鬪草蟲
節物變遷風景在
故園心事不言中

秋懷

大火徂秋節
炎之幾何時
今日昧明日
敢作百歲期
涼風昨夜來
西山白雲起
舟人吹鷓鴣
愁蕩一湖水
嗟余寡所見
就夫玄髮歡
獨坐待明月
恨入青雲端
自古賢達人
誰獨免其死
靜言求其理
如以復如以
呼童買美酒
趁月傾樽壘
雖然不鮮飲
聊復暢其懷

題日觀蒲萄卷

老衲搏空無混沌為之闢
拔得天地根不假雨露
靈力寒藤挂鬼眼繫
冷光碧驪龍亦驚猜夜
半風霆急

排悶

諳盡時情薄似煙更憑誰
覓買山錢催涼雨久
添秋恨待客茶頻廢
夜眠身退每蒙先達許
詩成多得外人傳
榮枯已悟須臾事
一位湖邊又十年

涼夜

遺編掩罷人重披
老去悠悠、記性遲
正是月沉

燈半滅一園涼
兩草虫悲

蛺蝶

翅、復翻、迎風勢不前
草根時點染花處自
留連怕冷多尋日
爭高欲上天誰家
驂兒女相
逐過橋邊

霞外詩集卷第一

霞外詩集卷第二

虛

中

馬

臻

志道



前結文行

古交山上松青
色不改縱有霜雪侵節操固
常在今交陌上
花容貌相矜誇一朝風雨至飄
泊隨泥沙陳雷管鮑世不有一貧一富難長久
對面相看仰太山下視群峯昏培塿嗟來乎嗟
來乎床頭黃金不可無君看金盡失顏色壯士
灰心不丈夫

後結文行

古文昏結心其義能斷金今文昏結金陰忽能
變心取舍既殊軌反掌土陸沉正平一朝忤黃
祖有若將身投猛虎子桑莫逆忘其生乃能相
與無相與古人今人昏足悲百羊憂樂須臾期
男兒節義死不變誰肯心懷未濟時嗚呼誰肯
心懷未濟時

釋愁

去者不可追未來難強名二氣運昏曉萬物遂
生成泰山若為重鴻毛若為輕苟不任天命百
慮徒營、杞人一何愚無事憂天傾

山平水遠圖

乾坤浩、目力短、山水帖、空光連人家半在
溪影裏、萬里春風來客船

聞早鴈

初鴻有餘音、老眼無遠光、登樓望不極、但見天
青蒼、朝飛、秋日短、暮宿、秋水長、不知從、去早
晚、到衡陽、衡陽有故人、書札不可得、木末避矰
繳、雲邊足、鷹揚中途多苦辛、羽翮能無傷、望尔
三春歸、依舊經吳鄉

送陳子振歸姑蘇有序

予與子振識面屢閱歲矣一聚一散不復情親
偶辱見寄壯游諸詩觀其辭追躅風雅遠邁前人
不覺快然會心夫何鴈蕩片雲恨論文之不早
由是酬酢唱和無日而虛未幾又復言還嗟流
景之易遷况良遇之不偶臨歧把袂故作詩以
餞之

平生每多湖海交論心屈指不可數男兒勲業
無所成忽：身年四十五日日欠詩如欠債冥
搜豈憚物役苦晚歲始得鮑叔親一語當棧合
前古怡然示我壯游篇長歌短歌逼杜甫凝神

注意一展誦小鬼水恠亦起舞夜風索：湖水
驚蟄龍銜珠不敢吐羨君傑立懷長才富貴終
當拾芥取胡為掉頭不肯住來書又向何方去
君往姑蘇我在杭後會烏能定相許季秋鴻鴈
盡南征江漢茫茫足風雨君若他時過環堵為
君門前掃落花呼童廚中具雞黍君今別去相
憶不

冬夜客至

故人終歲別寒夜堪留連雪暗天窓月風回地
竈煙鴈羣侵夜發漏點隔城傳話舊成愁絕相

看復暮年

歲夜自遣

坐見手殘竹爆中更將盃酒祝東風
道人心事如灰久辜負燈花一穗紅

德清夜泊

遠色變昏晦却帆依淺沙
浪披盤岸木風逆赴巢鴉細草官塘直
長煙野日斜寒棧聞夜織燈火是誰家

四聖觀寫望

西林橋畔畫船開一片蕭韶水上來
多少綠楊

遮不住天風吹過小蓬萊

挽月湖陸尊師

浮雲無定迹倏忽變其常四序相馳逐安得人
久長先生負盛才早歲道彌昌我翁亦年壯瓢
笠行相將煙霞結幽志屹、窮老莊先生彈素
琴一詠復一觴山川丰杖屨逸氣橫天章醉袖
拂萬象談笑輕侯王息肩城邑改兩鬢各已蒼
我翁徵不起抱獨如適藏先生善兼人持危振
玄綱復來主玄都香火皈避方功成身自退出
處誠所當去歲冬風來木落千林霜我翁在白

石鵬化思騰翔慟哭挽靈櫬歸瘞湖山陽先生
來會葵洒淚陟崇岡言別我何時載見秋草黃
遺言忽墮前顧盼憂且惶死生猶夜旦此理不
足傷所悲失父執澆風散靈芒哀多情不盡歷
歷寫我腸我來弔詩魂再拜陳酒漿落日大江
暮孤舟度微茫愁猿向我啼驚浪為我揚思君
望八極想像仙人房鶴唳九臯清一笑人間忙
書黃西有游塵葉後
茫茫大塊噫清氣調々刁々聲各異詩老得之
肝膽雄吐出毫芒照天地書齋晝對百慮空忽

如沆瀣澆心胃
蒼頭癡燕並
兩足細雨不敢驚
春風嗚呼涪翁去
世久一脈深芳到
西有石床
待月讀到明
空山無人魑魅走

擾

擾、行塵應接勞
由來斥鷃樂蓬蒿
胃中立壑
開圖書霞外
光陰託酒醪
未必漢廷疎
四皓至
今吳地事三高
功成便合謀身退
維嶺春風正
碧桃

春日言情兼懷同好

漢陰抱甕久忘機
一事無成只布衣
萬水千山

人獨去三春二月燕雙歸
衰顏暗改青銅鏡
舊業依前白板扉
莫對落花思往事
故交消息近
未稀

墨梅

疎葩結冷光
素質凝古色
濡毫誰氏子
巧奪真宰力
展卷如有訴
老鬼向天泣
髣髴月沈時
影落參旗直
夜久書燈青
鴻飛楚天黑
寒香忽破
鼻
幽意不可得
悠悠感物理
對此成太息
我欲將贈遠
真幻兩莫識
長嘯臨春風
春風浩無極

寄越上張仲美

千載萍蓬悵別離
偶然一見又差池
薄書官事何時了
杖屨春風幾日隨
薄不堪供鶴料
才高長是贈人詩
鏡湖波暖多回鴈
好寄書來未遲

鄧收心絕粒味道賦長句以贈

穀者命之本
此語足深致
四體不服勤
何以望
卒歲昏、塵土喧
疲役身口累
食也苟夫時
飢火熱五內
鄧君儒者仙
久收方寸地
一朝遇至人
玄言啓幽祕
若非種杏翁
定是赤松輩
教以絕火粒
咀嚼太和氣
外美邪魔腥
八珍豈足貴

虛無空中素俗物盡疣贅過我索詩章已覺神
彩異丹髓碧華滋道大淡無味富家食方丈日
計萬錢費庖丁技雖窮鸞刀厭瑣碎安知遺世
士回斡太古意萬象一秋毫忘形日月外翻嗟
鄭子真谷口躬耜耒會當謝塵氛飄舉賓軒帝

送鄒混無回卻武

萬里晴空一劍飛浙山尋勝阻幽期歸舟醉叱
神龍護行篋笑着仙鶴隨柳子酒濃欺瘴霧木
綿花發待春詩鄰家故老遙相應問西湖話
別時

黑白雲

落、出岫雲黑白分
姝妍黑雲成成兩
白雲空
蔽天俗眼不見
奈俗意誰相憐
美言傾人心中
有千文泉

春日閒居二首

禱院春陰半掩扉
杏花猶怕曉寒欺
蘚痕帶露侵基石
山影分雲落硯池
貧久家僮生去意
社遲梁燕阻歸期
詩成一餉無人說
芳草連天寄與誰

數峯青處啟蕭齋
自斫楊枝傍水栽
問字無人

携酒去消閒有客抱琴來
遙江風急鷺雙起古
岸日斜花亂開袞
老陰堪一笑城頭畫角為
誰哀

湖邊春思

西林花雨霽春氣欲飛
浮船過吹簫客旗標賣
酒樓暖鶯自在遲日蝶
風派正是桑麻處支筇
認舊游

子規

月冷聲在翠微
千花萬草夫老禪
休言催得韶華去
浩萬東川春也歸

游虎丘寺

野岸維行舟步以金沙地孤塔出雲杪衆木攢
古意躄虎今何之裂石浮劍氣俯仰成古今人
主樂為貴所以高歌飲聊復慰身世

為方仲客作子晉吹笙扇兼賦詩寄意

昔君別桑梓彼女安羊芳音書兩莫致路遠徒
相望暖風吹帆三百里闔閭城裏花如綺停車
來扣故人家恍然一見心驚喜問余別後今何
之摩挲鬚鬢已如絲論文把酒還相親幽尋我
處隨芳塵荒林雜卉留餘春愁姿野氣空惱人

畫疑画字

劍池舊事惟明月，大笑高歌醉中別。歸來一臥
吳山雲，忽地西風下。庭葉思君如江水，迨不
可忘。我有尺素書，魚馬不得將。却憶仙人王子
晉，月下吹笙向緱嶺。仙人去世遠，鶴亦竟不來。
為君寫入白團扇，玉冠絳裳仙風道骨洒落何
竒哉！恍惚聽希聲，於至寂一曲人間殊可哀。獨
坐長松下，上有凌霄閣。心隨此畫遠，寄姑蘇。

海棠

殷紅含露卧朝寒，疑是春工畫未乾。底事詩人
吟不穩，直須燒燭夜深看。

詩

六義闕風教吟須字、安吾心離琢易出口
渾成難道合天心動篇終鬼膽寒極玄言不得休
作等閒看

烏夜啼

烏夜啼朝啼東方白
夜啼林影黑關河萬里天
兩霜月冷夜長眠
不得烏夜啼憐爾巢中黃口
時哺腥吞腐羽毛長
母子日、長追隨一旦離
群自成偶相呼相喚
期相守故雄零落不復知
留得孤雛住哀柳柳條蕭
風難棲身夢驚三月

楊花春載飛載止情莫伸欲不去愁殺人不知
挾彈誰家子暴物傷生苦如秋哀音散入江湖
間老屋破窓燈欲死烏夜啼君豈知

送陳鍊師遊方

文章金玉有定價未測碧海青珊瑚浣花老翁
久冥漠種桃道士誰招呼高風健鶻固有待舊
水窮魚非自圖千里之行始足下道也不可離
須臾

清明書懷

疎懶無堪見物情自裁詩句了清明間庭芳草

年、綠不為東風管送迎

春遊

園草浮青入杖藜，莫教辜負好花時。
人生屈指頭如雪，消得春風幾首詩。

送梁中砥歸句曲山

家住華陽第幾峯，又將琴劍去匆匆。
地浮雲氣連山白，露浴丹光入夜紅。
千里音塵隨斷鴈，百年聚散類飛蓬。
吳頭楚尾闌春恨，盡在鶯聲柳色中。

懷古

媯皇補天闕后土遂咸寧化々者不化是為元
化精老王官天下其政以結繩戰國事爭討四
海森甲兵仲尼既去魯老聃西出秦後世滋華
偽棧巧易其誠愚智互吞吐得失紛相仍邇來
百千年一々垂空名白骨填恨土大風吹不平
我生宇宙間短羽飛秋螢進寸而退尺聖人戒
其盈披衣起中夕念其傷心情素月行廣漢明
星派大清但覺晝夜轉不知入世更默坐觀天
運萬壑回秋聲

送楊古性之淮海山長

嘉陵山水佳人物亦超邁楊君早讀書功名等
拾芥仙山碁散桑海邊忽然邂逅西湖邊天網
宏大四海一

聖君宵旰憂黎元君今又師儒之官向京口京
口足衣冠彬彬魯中叟輕裝三尺桐孤舟一樽
酒相送各無言蟬聲在高柳知君此去佳政多
群才詩禮相研磨西風昨夜發廣野北固江頭
吹白波吹白波為君吟別奈秋何

賣藥翁

山人本在山中住偶向城中賣藥去不道石潭

龍出雲夫却朝來下山處

題元暉小景

我點歸鴉入暮煙
漁蓑和雨釣江天
誰憐一片淋漓墨
曾在米家書畫船

游仙詞

是

上清真人玉華仙
夜策鸞輅凌珠煙
剛風廣漠露華冷
搖蕩金鈴聞半天
路逢仙姥騎白鹿
侍女雙：散香玉
遙看三島點神波
恨入秋眉鏡
中綠我自無為神
自凝萬竅不動心
冥：靈君期我謁太帝
下視濁海魚龍腥
玉虛燁燁明玄

景羽葆搖，入空影一曲雲和奏未終月輪已
到崑崙頂

揚花

品題曾入百花名長恨濛濛畫不成
灞岸雨餘粘穗濕章臺風暖撲人輕
緩隨流水知無力間度高樓似有情
想得山齋清影裏亂和蛛網惹
柴荆

毗陵客思

吾道已如此夜長眠不成雅歌傷白苧
儒術誤青萍遠漏斷復續殘燈滅又明
身前身後事都

上十年情

沙丘懷古

憑高懷古重依、秦駐山頭正落暉
遼鶴信沈徐福去鮑魚風起祖龍歸
固知倚伏存天道肯信強梁即禍機
雲海微茫波浪惡一雙沙鳥傍船飛

放懷出入韻

早悟身為累終期靜結廬一間天不與
丰老地猶無籬菊陶彭澤畦蔬阮隱君
誰能事拘束曳尾自泥途

蝶

曾隨秦女踏青陽，幾被鶯捎出建章。
夢州夢寒，速碧色杏花雨，細宿紅香粉，凝薄翅，春無力，恨
入修眉晚，斷腸寄語莫尋歌舞處，五侯門第有
高牆。

悼似山郭高士

高士之師王顯山乙亥歲浩歌
終隱莫知所之故築亭曰待鶴

執手東風酒一卮，武林曾有贈行詩。
迨夢想江湖闊，香音塵歲月遲，待鶴不來空感恨，乘
風歸去自堪悲，綸巾羽扇松陰下，猶記研朱點
易時。

嘆落花

芳花麗白日脉、如凝愁朝承清露滋暮遂長
河流含和憶兒時轉眼成白頭欲見西王母披
心訴其由鶴從九天來聲落江湖秋濁骨如朽
鐵安得從之游

紛紛

紛紛：寵辱暗消磨汝上曾聞嘆逝波利欲根心
公論少是非私已嫉言多神傷洞轍魚相煦眼
見權門雀可羅擬住南山餐白石不須扣角向
人歌

讀五代史

五十年間逆吐吞龍爭虎鬪一消魂不如野老
深山塚留得蒸嘗七世孫

信筆賦雜言招葛元白

湖邊春事空城裏渾未覺幽人嗒然臥強半不
離藥有時自吟哦無事亦斟酌猶異爭馳名利
場百年勝負碁一着寒食清明去已遠可憐局
促間兩脚君不見成都杜陵老草堂破壞形枯
槁典衣沽酒曲江頭蹇驢蹛躡尋花草青天白
日眼不開俗子紛々猶絕倒君早來君早來須

判幾鞞青芒鞋好詩好酒消幾許忍使辜負繁
花開振衣抖擻康衢埃莫教鷗鷺相驚猜與君
靜看舟中醉客齊撫掌疾呼大叫舞三臺來不
來幾字回

初夏

日下簾櫳午晝時黃庭讀罷篆烟遲虛齋靜極
心無事卧看堦前樹影移

山行書所見

風吹桃李已成塵澗底幽花自晚春野廟蕭條
門半掩樵夫折得獻山神

睡起

紅葵遠砌竹風涼
睡起呼童上午香
一帶粉牆平似紙
閒研水墨畫瀟湘

宿石公房和韻

久憶南山寺春深始一行
石靈將瀑冷僧好似
詩清古壁蒲萄畫空林
杜宇聲喚回湖海夢身
世白鷗輕

王昭君圖

窈窕佳人絕代無
一辭漠殿畫嗟吁
丹青若恨毛延壽
句踐何功得破吳

寄友人

識君憐不早，况復枉佳篇。別去纔逾月，思多似
隔年。亂田姑熟近，平楚洞庭連。想得門前柳，清
陰初有蟬。

題高麗寺因上人房清淨觀

竹屋翠微裏，開軒獨望時。法身山色見，佛眼世
音知。琴寫僧傳譜，牌懸客寄詩。空塵侵不得，心
與白雲期。

首夏

江南四月雨，黃梅日日陰。晴變百回，又是一年。

農事急村。布穀正相催。

挽鄒混無

將化之夕夢旌
幢引回故里

問道師門鬢未彫。偶因游學去家遙。病深鶴骨
無靈藥。夢逐霓旌入古譙。寒鴈隔雲書斷絕。孤
兒扶櫬路蕭條。心腸鐵石還悽愴。泣把椒漿祖
暮潮。

贈隱者

蕭蕭隱者屋。岸蓼入籬門。木落涼烟薄。魚行秋
水渾。居人忘爾汝。沙鳥自兒孫。却憶前時到。梅
花開正繁。

山禽

我家衡門向山開
山禽住久不相猜
如今移家水邊住
依舊山禽時復來

寄題碧淨軒

萬玉搖空軒亭
護蒼翠勁色不受染
脫略花柳氣
有時清風生一掃
塵土翳客來
淡無語
盡日坐相對
此是詩中禪
真作心境會

秋夜

眼空夜色秋滿城
城樓漏鼓聞四更
杓垂月轉萬山白
坐看天河西北傾

聞鴈

知汝幾時到先令獨客聞雨昏
低度屋風急亂穿雲衡岳路猶遠
吳江夜正分如何傳素札爲我弔湘君

卜居

人間無處不風波卜得幽居向薜蘿
世事即今知夢少詩情從古自哀多
高風老木山雄壯小雨枯荷水蕩摩
隨分盤飧了朝暮陸機休賦百年歌

涼意

昨日涼氣吹衣裳牽牛已花青蔓牆百年生事
秋淡薄一湖古意雲飛揚齊二急櫓扶烟渡箇
箇歸鴉顧夕陽各盡天公流轉意莫教懷抱謾
悲傷

溪橋夜泊

風雨連天鴈過初暫停歸舸傍村墟忽然喚起
少年思竹裏人家夜讀書

送龔聖與之姑蘇別業謁戎使君

每因送別憶前時淮海名流漸々稀獨樹草堂
工部老蒼苔第屋廣文歸三峯有約期終隱五

馬推賢莫謾違若過天隨憑寄語布袍今擬換
荷衣

卧疾

雙肩漸聳鬢毛垂不擬秋來病不離道友相過
惟論藥醫人教勸鼻吟詩每違勝事因多懶偶
憶兒時益自悲歷三百年多少事卧看風裏菊
花枝

梅邊會飲寄葛禧巢

癡雲槩糊欲釀雪湖上今朝北風正園林忽覺
生意斷獨有孤根發清迥三花五葉春已多况

乃落溟破幽徑憶昔何遜在揚州月觀風臺動
詩興後有孤山和靖翁留得高名寄香影禧巢
愛梅復可憐每見花開輒吟詠心曾磊落不受
俗一笑樽空晚色靜巡簷動是隔歲期人事推
移苦不定同心之言真如蘭起我鬢眉白未盡
但願明年老身健更待梅花報春信

野宿

野宿投村舍
蓐衣度石砭
鄰雞喧暮柵
寒蠶上燈窻
戍鼓凌雲擊
城鐘入夜撞
蕭蕭楓葉下
鴈已過吳江

寶鏡

寶鏡存朗照
夜室難為光
幽蘭抱貞心
不能傲
巖霜荆玉未出璞
豈畏雕琢傷
和氏不解事
則足徒懼殃
昭天上日萬古
鑒中腸

橫山道中

村舍喜留客
相逢如故知
槿籬垂橘袖
溪艇賣鳧鷖
斷港車魚早
寒田穫稻遲
時清民俗古
野老亦言詩

傷存此山 號性常子

天台山上何年別
一住姑蘇僅十春
緇衲與錢

收古帖好詩憑客寄聞人悟來靈徹心多懶老
去維摩病漸頻真性常存元不昧龍頭石塔蘇
痕齧

侯門

侯門心不到幽事每相仍身向中年懶詩多遠
客稱曉烟昏院落寒日上觚稜得句渾忘冷意
前曝硯冰

野梅

彫盡羣芳一樹奇傍山傍水最相宜如何慣守
堅貞操不怕風霜怕笛吹

日暮

日暮登危峯下視江與湖霏：暝色動風聲鼓
天衢山川氣象大雲物自卷舒邈彼六合中海
月如玄珠列宿轉天運陰陽旋六虛芸：萬生
根復歸混元初靈府一何靜廓落無所居妙極
忽自哂欲言如有拘下士昧斯理白首空嗟吁

冬日寫望

夕早湖水落坐看山日西梅清如客對鷗冷似
兒啼怕酒常先醉慵吟少着題游心與天遠無
處覓端倪

寒夜有感

連宵風雨苦催寒，吟對青燈夜向闌。
生事恰如蝸負殼，入頭容易轉身難。

除夜

竹爆聲殘燈燼坐，坐聽更漏隔年期。
喜神宜向迎須早，窮鬼難驅去任遲。
席上已無消夜果，門前惟寫立春詩。
老夫記得承平事，閒對兒曹說舊時。

霞外詩集卷第二

霞外詩集卷第三

虛中

馬臻志道



題湘靈鼓瑟

沅湘水闊風蕭蕭
水風敲珮天光搖
爲彈寶瑟傳幽悵
一點柔紅馮香露
蒼梧恨鎖雲欲流
湘花背日烘春愁
人間有夢到不得
仙山翠滑江浪黑

雨久江邊餞別

別意千重酒暫停放
歌一曲向君聽
家貧禮數教
多相失
雨久支干盡
不靈古巷聚人祠
櫟社暮

潮催客散樟亭孤帆又傍誰家宿遙見沙田燐
火青

春雨

厭聽林鳩喚婦聲楚鄉梅柳一番春南鄰酒伴
無多子細雨斜風故惱人

丹井

中子峯頭嶺勢分西湖西畔近西村丹丸化去
人通聖山運移來井自存香沁冷光消世味潤
滋靈脉破雲根空亭近日無題扁慚愧仙翁幾
代孫

見柳詠懷

畫舫曾繫柳邊橋
歌舞升平樂意饒
事去却憐橋畔柳
春來猶學舞兒腰

寓意二首

原憲古達士
被體衣如鶉
抱道不苟得
舉世誰其珍
義士貴結客
散金若沙塵
富家重杯水
不肯延聞人
此理古不齊
此風難復淳
有氣干長虹
縮頸不得伸
蛙黽誠無知
聒聒喧青春

列子居鄭圃
隱迹四十年
自非將適衛
詎識斯人賢
含淳養天和
遂發壺丘言
長安豪俠兒
寶

馬黃金鞭身貴不讀書
驕矜耀春妍志士若徇
節簞瓢樂其全誰知化
囿中變蛭蠃相憐魚目
笑隋珠三復逍遙篇

奉簡盛元仁教授 三首

表表師儒德業尊
青衿弟子盡侯門
何當經罷心無事
作得新詩細與論

湖光山色助幽情
琳宇無塵夕照明
昨日鄰家聽更好
步虛聲帶讀書聲

數株楊柳隔苔磯
卜得蕭齋景更稀
正是先生讀書處
白鷗時復傍簷飛

新晴

新晴初試夾衣裳
梅豆垂青小未嘗
春色蕩搖鷓鴣恨
煙光遮護牡丹香
養生不去窻前草
得句多題竹外牆
心地太平風日好
可憐岐路自羊腸

即事

地瘦仍慳雨
挑着未着花
物華欺賤子
草色戀貧家
吳越山長對
乾坤日易斜
樓高不可望
春事已聞蛙

花信

忘

花信頻催景漸和，靜看新綠上庭柯。
夜來幾陣風兼雨，添得春流一寸多。

春陰

一歲春光一半空，鶯聲強在雨聲中。
老來言語渾多忘，病起篇章漸不工。
廣岸霧生沈獨樹，平湖日落起寒風。
無詩無酒花開事，盪蕩狼籍西園滿。

滿

地紅

題灌畦圖

悠々世道久離淳，機械雖多慮轉深。
野老灌畦甘抱甕，可憐端木未知心。

把酒

把酒問春春不知
西林遠日生煙霏
杜鵑哀怨聲欲死
古水流蕩光相依
南山北山自朝暮
今人昔人誰是非
千金一笑復何有此心
久與鷗忘機

移蘭

幽蘭雜桃李
開花無清香
本具巖壑姿
庶得韜耿光
誤入芳園中
乃覺氣不揚
少年不我顧
志士徒見傷
偶值朝雨南餘日吉
復時良呼童斲春泥
移根上高岡
為爾去蕭艾
晞露滋漑漑
永託

松竹陰爾生豈不昌細葉舒冷翠貞葩結青陽
緩緩趨土脉慎勿近路傍路傍多轍迹曲曲如
羊腸恐爾遭來掇委質兒女將哀哉楚靈均細
佩荷為裳斯人不可見誰能復其常遂令靡蕪
華各自爭芬芳回看桃李花零落空啼妝

西湖小隱

常

湖外風輕釀薄寒柳陰當戶晝常閑鷗羣不動
水紋淡花氣欲流春意閒投老尚餘詩強項
愁翻被酒辱顏莖歌日夜喧人耳擬卜亂雲生
處山

遣

蒿里行

春風花開春日靜看花少年色相映一朝花謝
顏色衰怕見白髮不照鏡苦口勸君君莫哀請
看陌上飛塵埃青松白楊過丹旄旄挽者齊歌蒿
里來人生在世無愚智不惜黃金爭意氣黃金
用盡意氣消力大力不開玄室閉君知生死徒離
憂我知生死真浮休春風自來還自去野花香
笑山頭路

贈歌者二首

憶曾供奉獨超羣怕問當年樂府名唱到燈詞

如有感亂敲檀板却吞聲
一聲河滿過行雲恨逐飛花委路塵莫道樽前
無淚下聽歌不是舊時人

晴窗

晴窗睡起岸巾紗石鼎湯暄小試茶好客不來
吟思懶一年辜負海棠花

高樓春望

樓高詩景聚雨露日華新芳草不知夢杜鵑空
怨春寒暄隨節變魚鳥自情親直入林間客蹉
跎老向人

游

陪葛元白仇仁近訪南竺詩僧分韻得
影字

花開空山春窮幽到絕頂入寺逢遠公頓覺塵
慮屏遂作蓬社游把酒酌龍井萬生各有態得
意還自領此樂殊未極落日倒林影明朝下山
去笑別風篁嶺

夜歸

歸杖下山遲喚舟尋渡口霧黑迷遠近篙子不
停手湖空菰蒲響脉脉水光走吾廬傍漁燈髣
髴認高柳到家及初更呼童買鄰酒酒酣詩興

興

發明月入窻牖出門看月明中天垂北斗

憶春三首

斷畦零落薺花明雨過平湖水漸生坐久忽思
春去遠綠陰濃淡隱啼鶯

晴林紫笋出泥肥又見青梅似彈垂慚愧閒門
無一事光陰換得幾聯詩

岸柳分陰合小橋收藥徐步認鳴蜩山雞來往
渾馴熟啄盡闌邊半夏苗

自詠

四友亡來懶結文芥舟只合置堂坳青溪點易

知誰識白首探玄尚解嘲小景畫成時展玩新
詩吟得自推敲閉門不道春將晚驚見殘紅褪
杏梢

吳中太伯廟

茫茫天地裏元氣是貞鬼至德推三讓無稱見
獨尊古今時自變尸祝禮常存每拜爐煙晚長
歌出廟門

栽孤松爲九華山鍾道士作

九華何崔嵬融結本真宰神器之所鍾雲物足
瀟灑挺挺秦大夫獨立而不改既出衆木羣豈

爲艷陽待初疑凍蛟掉禿尾忽若山靈張偃蓋
又如玄鶴歸來視城郭悵別人間動千載楚南
靈椿浪得名茫茫天壤知何在流精貫決骨欲
飛風雨雨或致雷公恠林林紅紫索價高幄錦圍
春闈光彩憐君金色不隨時空負才名成感慨
留向青山閱古今爲問桑田幾滄海

覓句

覓句不覺晚自吟還自酬因耽五字苦輕惹一
生愁水落洲渚出天虛日月浮空持百年意不
語對馴鷗

靖傳董高士寄百花詩集

雕搜元氣萃芳叢未覺唐人詠物工木客聽吟
鶯夜月花神無語泣春風碧雲影斷澗心處綵
筆香生得句中見說草玄門巷靜暮年事業有
誰同

月蝕 三首

夜半蝦蟇蝕月光衆星各自吐毫芒可憐兒女
猶知畏擊瓦敲磚鬧下方

口誦黃庭內外篇塔前再拜焚爐煙丹心旣切
天應鑒不見還光不敢眠

喜見還光漸漸盈紫微遙想泰階平癡癖小伎
何堪慮不減乾坤萬古明

閒居重九

零露綴白曉草根光離離扶筇步前庭自覺與
世遺我本事耘耔肯為好爵縻秋風淒以厲九
日忽及茲手把東籬菊口誦淵明詩南山祗南
山彼此俱一時俛仰成古今况隔子載期悠悠
大方中精氣暫聚之君遠我徒思我思君豈知
終然任天運君言不吾欺

積雪

凍雲晴已散，濛密聚觚稜。寒日照不化，晚風吹
更凝。空光映書幌，勁氣逼吟燈。最愛南山寺，浮
屠白五層。

鷺雛

頂絲未長雪，毳毳第一橋。邊買得來，已覺今朝
籠不住，見人側腦却相猜。

除夕

白日無停光，歲蛇行赴壑。出門眺夕景，慨念今
非昨。舊俗照庭燎，餘輝散城郭。貧家閉門坐，富
家自張樂。貧富不相侔，造物竟何記。貧家無忌

諱但被愁苦縛富家氣焰高舉止動成錯山人
無一事塊坐甘寂寞青山遠屋頭梅花滿籬落
豈無樽中酒可以自斟酌醉卧北窓下此意甚
不惡明朝望春來尋詩上江閣

和王琴川見寄韻

結茅我住西湖濱聞君海內詩有神遂懷昔日
謫仙人大笑愚下如沙塵筆驅物色驟回薄隱
約松聲轉萬壑壯心忽覺秋氣索抱琴莫負林
泉約猶勝讎書天祿閣令威本是遼城鶴

喜陳子振至二首

兩三年不見詩仙白日追思夜廢眠及至相逢
無一事桂花狼籍石池邊
憶昔接歡詩酒裏恨君容易上歸舡別來若問
吟多少潦倒情懷不似前

挽葛秀才二首

半生門不出居市似居山自負詩書力肯低塵
土顏夢回胡蝶化原冷鶴鶴聞曉雨飛丹旆思
君不可攀

桑梓彫零盡耆儒獨數君天邊不獻賦地下忽
修文恨接笑言晚還悲生死分真箇空有淚歸

酒巖頭雲

吟雪二首

桑戶絃歌冷似冰子輿今日更無人莫嫌林下
多牢落蒼外歌斜一樹春
四山削玉水無波今坐孤吟意趣多未必朱門
知此味紅爐畫閣正笙歌

野步

野色畫難染杖藜春水邊新煙榆木火遲日杏
花天村酒傾壺濁溪魚入膾鮮人生行處樂莫
負杖頭錢

春感書事

非平日日事繁華惟恨人生自有涯破曉簾櫳
喧燕子新晴巷陌賣桃花酒中賢聖客常滿樂
按宮商字不差只有東風舊時柳依前飛絮滿
鄰家

辨真幻

滅
葉公駭真龍裴旻畏真虎舉世不識真大偽滋
回互天地假我形起滅爲誰故羣幻蔽一真柰
何不知顧我心真獨存動觸羣幻怒急流多躁
聲層巔無坦步疇能通常期巧琢喪純素取實

去其華吾當事斯語

客思

行止皆難定江山信有涯平生不識路垂老始
離家人別數聲櫓春隨兩岸花中原多古意吟
詠答年華

渡楊子江

鯨波撼地紀金焦時中流神奇裂太古挺挺雙
刺浮我行值利涉一葉如聞鷗空光明我心毛
骨寒飈長揖郭景純明朝渡揚州

舟次維揚

數幅蒲帆泝急流
南風吹送到揚州
封侯拜將人何在
日照荒城舊驛樓

瓜洲渡書懷二首

離家時節正條桑
舟到瓜洲麥已黃
見說神州好風景
自慚無賦獻

明光

一夜長淮浪拍舡
惡風疾雨不成眠
家書寫得無人寄
家在錢塘湖水邊

邳州言懷

戰骨銷沈水氣清
沙邊砲石尚縱橫
不知天定

安危計虛使生靈死亂兵
昔日旌旗古戍秋將軍曾此覓封侯
如今戰地成耕地得見升平任白頭

徐州寫望

舟人云州有三百六十山四時無草木樊噲墓
凡七處莫知孰是
三百六十徐州山骨立天風不受寒樊侯古冢
七杯土飛沙野蔓斜陽殘舟人指點向余說側
望淹留寸心切欲酌清樽弔古祠哀長河流
不歇

新州道中

風沙渺々客聯鑣時拂吟鞭慰寂寥車道綠綠
酸棗樹野田青蔓苦瓜苗杜陵老去家何在阮
藉愁來氣不驕自笑閒人間未得々閒終合隱
漁樵

魯中

遠山忽已近々山忽已遠一山復一山使我情
纏繞平野莽無人飛沙垢顏臉如何大暑月旅
食備艱險古人亦有言富貴非所願休影不息
陰望道未之見曷月予還歸飽食故山覓

東平道中

征途擾：風沙黃，征人下馬坐路傍。此邦之人
重遠客，出門問我來何方。笑言酬答未及已，急
呼兒女傾壺漿。青山堂：日車轉老樹盤陰，杜
鵑晚引程驛吏。莫漫催我有新詩，自排遣感君
義氣真可憐。回首孤城暮煙遠。

望岳

驅車魯東門遙：望泰山遠勢儼崇大真宰司
其間稽首^首致心語我行良已艱親舍白雲不往
轍何時還願言克相之造化終無端

汶上即事

北關言別柳飛綿記得離家月又圓
華髮流年身半百黃塵疋馬路三千
戍兵自裹餼糧送津吏遙迎傳驛
眠一夜南風吹汶水古榆深巷已
聞蟬

過沙河

上闕何時到鄉心日夜懸
蹇驢車轍路羸馬夕陽天
傳驛飢仍遠篙師老不前
微茫燈火近沙外有人煙

御河阻風

篙師飯日午繫舟嬰兒灣大風揚巨浪簸蕩天
地間怒聲若驅雷猛勢驚移山得失稟定數真
宰炳如丹水宿不及村誰能慘心顏

大德辛丑五月十六日灤都棧殿

朝見謹賦絕句三首

黃道無塵帳殿深集賢引見羽衣人步虛奏徹
天顏喜

萬歲聲浮玉座春

殿中錫宴列諸王羽禱分班近
御床

特旨向前觀妓樂滿身雨露濕

天香

清曉傳

宣入殿門簫韶九奏進金樽教坊齊扮羣仙會
知是天師朝
至尊

開平寓舍

雨陰六月摧驕陽開平客舍白日長官街汙泥
沒馬股出門忽似河無梁土風不解重魚鳥東
鄰西舍惟烹羊山人肺腑蔬筍氣對此頗覺神

不揚昨日樓頭望遠色海霧不動晨光涼青山
四面拱城闕龍盤虎踞爭翱翔乃見

宸京勢宏大囊括造化吞洪荒惟其槁木卧林
壑豈意野服朝

明光太平

天子崇道德繪麗琳宇開清揚列仙縹緲環珮
下五里十里聞天香惟皇上帝降百祥煌煌

大業垂無疆山人歌詩忽起舞山川草木騰文
章山川悠悠望不極白雲飛去之何方故鄉親
舍白雲下悵望山川空斷腸何當振翮附黃鵠

萬里天風吹渺茫

灤都寓興

昨夜分明夢到家庭前
開遍石榴花龍門不放
東風過五月平灤雪滿沙

寄舍弟

鴈起秋雲白霧接
只恨仍心知負易變口信遠
難憑憶弟愁荀鶴思
尊老李鷹淒遲一盃酒不
語對青燈

黑山

暮造黑山頭下馬馬力疲
大野無行客僕夫愁

渴飢草根積霜露月照光離離王孫喜我至邀
我入轡惟琵琶左右動勸我金屈卮此中風俗
淳頗似上古時顧慚丘壑姿心迹與世遺際此
聖明代歷覽山水奇不學古行役空傷木蘭詩

爲楊簡齋題空蒙圖

西湖天下奇回薄太古色春風散花柳元氣蕩
空碧淡然存天真豈爲歌舞惑我家本住湖水
邊筆床茶竈依漁舡振衣一別五千里爲君展
卷心茫然欲問吾廬在何處但見老木浮寒煙
吾廬不可尋山川不可越人生行止會有時長

嘯皆前望明月

開平即事

土風渾似古民物自熙熙釀酒收馳乳裁裘聚
鼠皮夏寒綿挾荐路滑馬行遲家在千山外思
歸未有期

得家信

舊業今安不大涯我索居關山萬里使鴻鴈幾
行書蟻夢秋光薄蟬吟暑氣餘三高祠下水空
憶釣鱸魚

灤都旅夜 二首

不語登高樓裴回日將夕涼風吹秋來萬葉謝
深碧悠悠念遠道半見山月出下聽城郭中歌
笑雜啼泣物理不可窮令人長太息
黃鸝垂兩翼徒懷四海心游子中夜起攬衣步
前庭蕭條行天雲慘淡西風砧客愁結肺腑氣
咽不能吟不吟亦不寐歷歷寒更深

爲疇齋張府卿作樵雲圖

喧寂本異執乃知靜者心清晨整笠爲斧斤入
山林擔挑煙霞氣出沒窮幽深終南太華長入
眼蕭蕭不斷松濤響靜觀天地生化機抱膝無

言坐成晚昔日會稽朱買臣汲汲行吟背負薪
輕將富貴博幽意野風吹老青山春碧桃花底
煙光暮應見仙人看碁處時清不用歌紫芝獨
自穿雲下山去

龍門道中

八月龍門路冰霜水不波草枯行地鼠風冷過
天鵝棧道行車少人家閉戶多殷勤策羸馬夜
宿趨鵬窩驛名

李陵臺懷古

在昔李將軍提師奮威武步卒五千人縱橫盡

貔虎謀猷始欲成
管敢推一語漢恩既未報
肝膽日益苦豈知萬里外
骨肉膏草莽昭帝固任
賢義斷難復取登臺望漢地
山川耿如許北風吹不消
恨入臺下土我行青山下
矯首一懷古復笑秦家城
彎環列遺堵惟有山上雲
淒迷送秋雨

經懷來縣

策馬懷來縣明朝始秋節
遙看東五臺三峯兩峯雷
大野人煙稀穹廬白明滅
寒風恐牛馬狐兔號古穴
故山丹桂開念此惜玄髮

寓金臺

黃姑庵裏曉鐘聲
金水河邊落日情
幾許客愁禁不得
數莖白髮漸分明

得舍弟書

木葉蕭蕭下玉關
書來爲問幾時還
窻前丹桂知無恙
湖上白鷗應自閒
向氏不勞愁聽笛
龐公終是憶居山
南中故老如相問
莫道如今鬢欲斑

寓金臺畫西湖空蒙圖

吳雲飛燕山舒卷
在所得西湖不在眼
客子氣

蕭瑟幾夕憑夢歸月暗失阡陌豈若隨天游疇
能縮地脉今朝好晴景木落窻影白潑墨水雲
翻幻出空蒙色頓失羈旅愁萬里如不隔何當
歸江南展卷畫江北

金臺文廟石鼓

獵碣鐫功事惘然摩娑壞石卧寒煙昌黎已道
文殘缺又較昌黎五百年

中秋

并序

大德辛丑秋令正中客居金臺崇真道館追思
良夜能忘慨然于時遠山寧秋長煙薄晚月行

天而流景風散野以傳聲偶賦雜言奉呈松軒
太監

憶得去年八月十五正黃昏東方擁出黃金盆
湖光凝露酒空翠柳陰疎處羅清樽恬然數子
文字飲六橋溟滓林影一聲何處雄雞鳴月
輪已到栖霞嶺共言人世似川流有詩有酒須
相酬朗吟醉卧忘爾汝氣吞十里菰蒲秋今年
中秋去年月却向燕山照城闕素華摩蕩長庚
精萬里清光元不別翻憶西湖看月時飛蓬聚
散真難期欲將心事寄歸夢歧路迢迢雲間之

雲間之歸夢杳目斷神馳山高月小興來一夜
不成眠還聽雞聲催白曉

客中長至日偶成

記得去年長至日故園梅藥正含煙鄰家聚飲
分冬酒稚子來需拜節錢已覺鄉愁添綉線還
從雲氣卜豐年思歸不爲荒三徑九陌黃塵懶
著鞭

霞外詩集卷第三

終

霞外詩集卷第四

虛

中

馬臻志道



大德辛丑冬

內醮禮成

天師真人親奉

上旨祈雪繼沐感通謹賦七言律詩稱賀

二首

金殿深沈曉仗寒鼓鐘三奏列仙班祥開寶埠

玄風拾道在

清朝白日開七御瑞光浮

帝座

兩宮和氣藹

天顏殷勤三獻封人祝五色雲生

萬歲山

又

醮罷龍樓異渥新煌煌印劔嗣金真

綸音錫命期三日奏牘傳誠走百神雲葉尚籠
中夜月雪花已散萬方春太平有象乾坤大一
片丹心拱
北辰

白雲歌贈友人別

白雲何處來
白晶揚長空
卷舒合變化
倏忽周

西東出岫既無心
敢望成霖功
遂令淪落姿
飄泊隨天風
我身如雲亦無據
五千里外君相遇
殷勤不盡別時情
又把離盃送君去
送君去君早歸
我亦思家心力違
只恐着破慈母手中衣
歌白雲雲自飛

久客

白露變榆柳
滿城砧杵催
故園經歲別
游子幾時回
且盡山公酒
難將驛使梅
秋聲不可聽
永夜獨徘徊

寄家書

輕別西湖十里山別時慈母勸加餐可憐寄得
家書去不道艱難只道安

易水懷古

嚴霜薄廣野天寒易水潯遊情念古昔指物傷
流陰荆卿感至德捐已重君臨饑久風蕭蕭慷
慨成悲吟依依別故里道路多嶮嶮神勇正色
厲客氣難顏侵武陽斗臂器敵鯨喙如瘖強秦
福尚綏誰使傳鳴琴良籌竟不進七首將何任
扶光朗中憐天道幽難誌哀哉九原下空負田
樊心

客夜不寐偶成短句十首用渭北春天
樹江東日暮雲為韻

丈夫慎出處功成乃身退古人夫如何八十釣
清渭

四時循化機萬物隨動息衆星紛熒熒天運齊
拱北

縞素製野服誤染京華塵舊業在何處梅花江
上春

男兒不得志壯心惜徂年長空起鵬鷲目送入
寥天

布衾生淒寒夜夜夢歸去心恐秋風深摧殘紫
荆樹

吟苦不成寐寒窓疑夜缸千古誰知心遙遙賈
長江

此身如斷蓬飄蕭隨北風錢塘一望地家住西

湖東

空慮千萬端長吁愁不出誰能事低眉揮盃送

白日

幾欲膏吾車老眼不識路弟妹今何之蕭蕭齒
髮暮

滬

昨日家書至慰我久離羣
游子眼欲斷日日望
白雲

渡灤河

踈踈遠雨霽草色凌天光融雲
馳疾影倦客摧
中腸牛車滹黑水回折如探湯
四顧何蕭條落
日心徬徨豈無親與朋晤歎天
一方物色可憐
人悠揚動微芳題詩道遠意此
意何能忘

昔聞

昔聞行役苦今日客殊方
窻影燈岑寂雞聲夢
渺茫僕奴忘禮數親友轉參商
欲寄平安字天

寒煙水長

旅興

客中白日送清樽
燈下裁書眼漸昏
南浦一年雲隔夢
西風萬里月當門
酥凝瘦腕茶膏熟
火慢筠籠楮被溫
未覺情懷殊冷落
終身衣食是皇恩

早春聞笛

萬里南州客離家
又一年春回首宿地
笛怨鷓鴣天
趁日裁烏帽
尋人賣馬韉
歸心憂賦役
負郭幸無田

都下初春

茶樓酒館照晨光
京邑舟車會萬方
驛路草生春報信
御河冰散客遙裝
青山有夢慈親老
白髮無私世事忙
想得故園殘雪後
梅花開遍讀書堂

書龔彥劄畫舜二妃圖後

伊大舜之鰥下兮
其蘊擯而藏諸堯側
陋以巽位兮
師錫帝而曰俞
試諸難而孝恭兮
惟懋嘉績降二女子
焉
汭兮
延嬪于虞由治家
以及區宇兮
始克觀于婦道
咨百辟而設居方兮
胡陟

南而云徂恐風夜之弗逮兮服盛德而靡失何
昊天之不弔兮洒泣涕而連如委重華而莫余
申兮寧逐湘流之浩淼陪天命而隕厥躬兮疇
能撫事而踟躕悲湘筠以淒風雨兮膠淚漬而
莫除蕩恨骨而誰為依兮空馳靈於故都昔四
岳以明頑嚚昏傲兮猶烝烝而善治君今雖死
而無憾兮生厥父而厥夫懷哉若人而不復見
兮終崑輿而罔極孰謂九京而不可作兮美彥
劍之爲圖爾有斯謀斯猷兮亦孔昭於永世我
歌旣成曷從而弔之兮望雲氣於蒼梧

回南 二首

家在錢塘江上春
京華投老獨漂零
王泉山外
雪猶白金水河邊
柳又青帽底流塵
春冉冉花
間行李髮星星
分明記得經游處
一路吟詩寫

驛亭

又

回望京城在九霄
西山晴暖雪纔消
人行短草
春容與馬拂香塵
柳動搖老鶴
心情終憶海浮
雲富貴謾題橋
尚憐歸去身
強健歷歷松風寄

一瓢

舟次楊村

前望同舟遠不分打頭風急御河渾蹇驢無力
牽舡纜行到楊村日已昏

江陵即事

孤舟分破綠漣漪風滿蒲帆力半欹萬里客情
空感慨一年春事又差池鴛鴦引子窺魚網楊
柳飛花入酒卮南阮歸來渾似舊錦囊添得幾
篇詩

高唐晚泊

夾馬營邊晚繫舟遙看水接汴河流淡紅消盡

斜陽影高樹乳鴉生古愁

渡御河用少陵日轉東方白風來北斗

昏爲韻十首

御河出天津浩浩流水急質哉鼓兒舡一站過

三日

歸心空如馳布帆風力軟曲肱倚蓬窓草岸遶

舡轉

維舟縱晚眺草色浮春空廣野無阡陌欲徃忘

西東

行行計故里未覺道路長緬懷燕耆舊却在天

一方

舟車載名利動越萬里隔詎識玄中言若辱乃
大白

聖君執大象萬方文軌同請看金臺高英賢盡
趨風

沙柳如舊識沙鷗休見猜昔隨東風去今逐東
風來

驚雷過急雨夜色如潑墨夢經西津渡覺在大

江北

古驛燈影薄風定沙不走數問夜何其天空月

在斗

大塊侏我老故園松菊存湖山無變質吟詠足
晨昏

舟人婦

眉黛攢愁鬢欲皤繫舟瓢水飯驢騾綺羅只解
裝歌妓看得悲歡不較多

汶上

芳草已碧色駐帆聊解顏柳花經汶水雲氣入
梁山短褐行人老長途古木閒故園饒筍蕨喜
得及春還

清河舟中二首

長淮渺渺接風沙
桑柘岡頭四五家
自古利名爭不盡
潮生潮落自年華

歲旱沙田久廢鉏
蕭條民屋盡桑樞
生來不識繁華事
菰米黃蘗亦自娛

歌風臺懷古

西郊蛇斷此登臺
千古風雲入壯懷
海闊波濤吞楚越
秋高鷹隼掠江淮
倚天劒化人何在
揭日碑殘土半埋
空恨英雄留不得
咸原煙草正枯萎

圮橋

昔人已伴赤松遊
橋下惟存漢水流
一卷素書
何處在數峯煙雨是邳州

呂梁洪

萬里長風送短蓬
亂流初下呂梁洪
篙師點過
鋒銛石一片歡聲落日中

泗上

泗水東流逆棹遲
遠看春色眼先迷
岸花影直
日亭午雞在茶商舡上啼

維揚寫望

東風吹盡馬頭塵空對今人憶古人不見劉安
雲裏過雨昏二十四橋春

途中寒食

行裝迢迢轉孤城一路閒吟緩客程潑火雨晴
錫粥冷落花風暖笋輿輕感時已悟莊生夢遺
俗空懷介子情只有啼鶻解人意平蕪漠漠兩
三聲

瓜洲渡驛舍

晚日依依照驛亭悔將年鬢逐飛塵魯連不是
思浮海桀溺從來惡問津楚漢江聲千里接荆

吳山色四時新詩人到處便懷古腸斷瓜洲楊柳春

揚子江寫望

古渡風初急孤舟似浴鳧山形開混沌江勢拍
虛無落日金焦寺長煙楚漢區乾坤盡詩景何
事泣揚朱

過京口

自慚爲客久理棹及春還醉別西津渡吟經北
固山業思青笠底詩在綠陰間不及滄江上沙
鷗盡日閒

客懷

楊柳窺煙色漸深
亂花經眼又成塵
半醒半醉看浮世
無子無孫任此身
春盡歸鴻成序少
日斜行客轉頭頻
中年未遂躬耕計
憔悴山陽笛裏人

吳中

故鄉別久語音訛
喜聽吳音入棹歌
萬里歸來心未穩
夜闌猶夢過關河

贈顛上人

越僧號顛叟
遠自鑑湖來
携詩扣我門
一見心

顏開自說蚤行脚見佛向五臺個儻了不羈談
笑無塵埃乃知顏非顏俗眼徒見哈達士心地
空明明本無猜詩成作回向此道何悠哉春風
亦浩蕩飛花下蒼苔

自適

人心如跳丸怒風號萬竅狙公易朝暮取捨本
同調我心用苦拙綿綿抱獨照結廬逼湖水可
以足吟嘯寵辱不復知風來水禽叫

奉簡張仲美

山川散淑氣灑灑揚芳塵眷言沂詠樂薄游及

茲晨晨山出暮還歸乃聞來故人新詩發麗藻叙
此平生親憶昔別故人轉燭餘十春萍蓬各異
勢良覲遂無因借問今行役幾日航江津鑑湖
波不改賀監誰爲隣歲月何奄忽事往情難陳
相逢且慰意庶復全其真

題瓜鼠圖

女臂狸頭不自竒桑虞翦棘化偷兒飽他鼠腹
能多少幸是癡猫未得知

詩思

本與名言絕乾坤鍾氣清靜中收拾得閒裏琢

磨成美刺明時化幽微索至精不曾親悟入似
隔萬重城

西湖晚思

日落湖水黑衆山生遠塵舡回載酒客接倚獨
吟人老態多思舊時情只貴新籬邊古梅樹開
謝幾年春

送詩僧俊傑庵游越

曾共山中聽杜鵑中瓶還問剡溪舡三生石上
三更月早晚重來話極玄

拜墓

一別松楸又一年歸來拜掃一茫然老鳥下竹
窺盤飢稚子攀松挂紙錢心斷野花春色裏愁
生杜宇夕陽邊東風不管流年事只向西湖送
管絃

安居

午睡覺來晚倚闌看水流柳花終日過荷葉向
人浮掃地山當戶焚香書滿樓此心無愧怍吾
道轉悠悠

野外

野外蕭條景更佳牧童將犢卧晴沙白鷗長遠

春

分魚市紅杏深藏賣酒家
倦向客程添懊惱
老看春事厭紛譁
田翁也學青門隱
料理荒畦自種瓜

和曹梅南見寄詩韻

二首

每憶仙人蔡少霞
幾香同會雅川家
春光正好無閒日
又負西園一度花

閉戶誰能草太玄
老來慵懶尚依然
麻衣道者如相問
休道錢郎骨未仙

送仇仁近之溧陽教授

我昔萬里遊
轉覺山水好
歸來桑梓間
凝情向

故老自從識君三十春
交淡如水情相親
愛君長才凌鮑謝
和光接物同常人
人生會晤真難
據君又之官溧陽
去溧陽地勝名士多
道在絃歌閒
通處春江漠漠春
帆開柳花風起如
塵埃只恐文星留
不住玉堂金馬待
君來待君來請
看天上黃金臺

哭巖公羽龍處士

士二首

平生師友最相知
杜杖過眉白髮垂
老大玄英心尚隱
淒涼伯道死無兒
驂騑絕筆堪成恨
翰墨堆床付與誰
挂席歸來還慟哭
可憐不得挽

靈輶

耆儒行輩盡凋零每對先生憶古人
亶亶笑談驚座席昂昂標格動星辰
九原何憾遺編富孤女無依舊業貧
今日隴頭誰誌石野花芳草一年春

葛嶺言懷

湖上繁華已隔塵樓臺遺址野田春
蘇堤飛絮無多柳洛社工詩有幾人
白石取殘山粲粲黃金銷盡水粼粼
葛公丹井依然在換却西邊舊

日鄰

和閒居韻

萬物隨生化，簞瓢任屢空。
短長莊說劍，得失楚亡弓。
機盡心如醉，言忘耳似聾。
已知身是幻，休負百年中。

寄晁元陳渭叟

白苧衣裳烏角巾，晁元觀裏寄閒身。
自離別業行經歲，每得新詩說向人。
一室圖書朝會客，兩山星月夜朝真。
可憐種杏仙翁去，孤負亭涌金池上春。

墨竹

墨光浮潤拂新梢尚憶清風遠
銳毫安得蒲林生
練實鳳巢丹穴正嗷嗷

傷曹梅南

忍君淒斷鼓盆歌便欲相從隱
薜蘿仕路久忘貧自樂好山未
賞事多魔院房求寄閒家具風
雨驚飛舊壁梭一曲陽春人不見
隴頭消息竟如何

暮春

風雨縈寒入暮春倚闌還動去年情
淺流科斗已生脚喬木倉庚初有聲
南畝歸耕無業在北

葱高卧喜心清
樗蒲一局從兒戲
已悟人間寵辱驚馬

寄慈溪沈玉湖

寶溪春晚柳花飛
記得停橈送別時
短髮霜侵難信藥
壯心灰盡未忘詩
吳山佳麗全非舊
洛社風流尚有誰
何日相過一樽酒
西窗夜雨話襟期

題姚安仁南陌尋春圖

杖策徐步趁晴光
岸草無名亦自芳
桃李不知何處問
青蔬拾得已盈筐

忽憶

忽憶行年五十五，擾擾得失枯人腸。
金魚綠酒我須換，蒼狗白衣誰可量。
瘦梅喜浸古壘，盜老態怕着新衣裳。
親朋相別萬里外，一字不到三年強。

題鄧孫摩所藏龔處士畫馬卷

金釘繩短駐霜蹄，曾見先生手畫時。
精凝蘭香回緊爽，氣隨神變發權奇。
華軒欲試丹青動，絕筆無傳造化私。
今日有誰偏愛惜，鄧公馬癖幾人知。

雪夜

風急雲彤結畫陰
水邊樓迥懶登臨
老夫覓句愁人別
稚子開門喜雪深
漁火依稀明遠渡
寒鴉撩亂集空林
江山一片模糊白
誰識孤鴻萬里心

葛元白年登七袞寄詩寓意就韻以和
士得佳名盡不虛
曾提健筆賦閒居
經行國裏當扶杖
豈向槎頭謾釣魚
昔日家聲疑夢寐
壯年交友盡稀疏
踈讀書兩眼猶如月
白首長懷董仲舒

挽安人丘氏

慣承甘旨足優游八十慈親雪滿頭
混沌鑿開真不變摩耶化去佛難留
梁空落月堂堂曉香轉孤燈總悵秋
惟有鄰家心緒切倚門人老正關愁

謾成

暖催花雨濕行塵脉脉憑軒欲損神
間憶少年如昨日只疑樂事是前身
黃鸝紫燕春仍好刺水殘山物自新
可惜白鷗波浩蕩扁舟老却釣魚人

永嘉包氏子孝感詩

昔別風塵際驅馳三十春
存亡違故里涕淚泣
高旻棄置青雲志間閑
白髮親及泉悲原地錫
類有斯人就織從無婦
揮金竟贖身生還休陟
屺孝感實通神轉覺乾坤
大難酬造化仁楠川
耆舊在為爾一酸辛

挽葛元白

一首

年登七十鬢絲垂繞別經旬
病忽危死隔異途
悲誌式奏終流水失鍾期
已無湖上重來日猶
有床頭未和詩妻逸子賢
人事盡難教竹杖化

龍遲

老來多感病孱顏不擬先生去不還
酒約詩人時共飲門嫌俗客晝常關
傷心池畔新移菊瘞骨湖西舊買山
牢落西風吹別淚楓林赤葉正
爛班

春老言情

野薔薇開花欲盡官蝦蟆叫春無
多人生萬事聊復爾有句不禁芳草何

偶成

穀雨聲連四月初閉門甌石久無備
貧憐杜有

常賒酒老愛邊韶懶讀書鄉里小兒相爾汝簷
楹乳雀自親踈生生化化趨春意誰羨簞瓢樂
有餘

和友人春雨詩韻

物換山仍在春歸鬢亦華詩來慚馬異金事盡誤
劉义林色花如綺簷聲雨似麻世情忘已久投
分老煙霞

山行有感

此聲欲發又還吞壯志消磨入瘦藤山北山南
松色裏一年強半送親朋

經山寺有懷故友

浮雲春色眼前生
萬事傷心布穀聲
薊子休慚
玄尚白屈平常愧濁難清
鶯花世界經飄泊
湖海襟期失老成
山寺無人晚歸去
詩牌忍見舊題名

漁父歌

老翁家住西湖邊
自從學釣四十年
瓦甌酒醒
炊未熟
白日過午常高眠
昨朝老婦丁寧泣
鉤須利不須直
得魚賣錢及早歸
鄉吏打門征
歛急
嗚呼吳松笠澤
秋水多筆床茶竈
今如何

傷廢塚

春風習習吹花木千山萬山一齊綠日午諸村
社鼓喧田家小兒健如犢閑來徒步上前岡累
累古塚相攢簇荷鋤老叟向我言元是前朝貴
人族貴人在時勢絕倫後擁前遮來綉轂并吞
鄰土孰敢嗔回山轉水開林麓相連崗幹成一
立斷斷雲根埋寶玉大書功德紀豐碑直向山
前起華屋子孫擬作千年計盡是老夫親拭目
星移物換水東流泉下知誰伴幽獨翁仲雙雙
賣與人留得三竿兩竿竹寒食不見紙錢飛只

有啼鶻替人哭又說東家來卜地役夫日夜喧
山谷天理蒼茫不可知後車須看前車覆

浙江晚眺

昔年吳越事并吞留得青山只斷魂落日正明
漁浦渡歸鴉遙點范家村雲分雨脚回沙溆帆
趁潮頭出海門欲問淒涼千古意鷓鴣何處有
兒孫

閒思二首

春

累石誅茅一徑開自移花木向陽栽春來可是
多陰雨漬得苔林上綠苔

困來收起讀殘書
閒坐蕭齋一事無
學圃慣知花木性
莫教蘭蕙雜蘼蕪

西軒夕遊

鄭公粉繪久寂寞
山水佳氣誰為傳
開雲無心底不定
凍鴈失序空相憐
獨留雙塔樹倒景
尚憶高堂祠昔賢
寒煙蔓草亦自好
未須歌鼓汗天然

解朝

興奪紛譁事事虛
此身天地一蘧廬
避名祗畏人心險
存道元非世法踈
甌裏塵生徒好客
床

頭金盡謾耽書
杖聲又入窻前
竹除却高眠總
不如

涼夜獨吟

竹風吹獨夜危坐
破愁生歲月此身老路岐何
日平行雲挽月過成鼓雜鐘鳴
多少心中事若吟吟不成

天師真人畫小景卷

溪煙蒙青林秋色洒天地
歸舟何人斯傑閣吐
茫昧洩雲展白練絕巘立
蒼翠真人心虛無發
穎抉元氣淋漓一尺楮
回薄萬里意嘗聞郭忠

恕刻畫破精粹豈若法自然淡乎似無味六丁
慎呵護恐有風雷互

短景

短景移林影田家得暫依病牛尋月睡枯葉帶
霜飛坦蕩天公意淒涼客子衣窮通應有定未
必計全非

霞外詩集卷第四終

霞外詩集卷第五

虞

中

馬臻志道

述懷五十韻

昔際承平久生涯足可憐過庭猶昨日騎竹想
當年書劍辛勤歷輕肥少壯便浪遊春富貴醉
舞月嬋娟候轉芳華歇時移斗柄偏狂歌傷德
鳳再拜聽啼鶻敢議軋綱墜難支國步顛安危
誰可料否泰理相連義士含孤憤謀臣誤大權
少微潛在野太史泣占天不起嚴陵釣空懷范
蠡船乘軒猶寵鶴治國昧烹鮮朽木終摧折微



軀忍棄捐

天兵威武奮

皇澤至仁宣豈意波濤怙還容骨肉全萬方蘇
雨露四海戢戈鋌倦鳥思喬木窮魚守故淵甌
塵貧似范晝睡懶如邊逸翻淹高翥羸駘恥後
鞭夢疑隍庶在機息海鷗眠喪亂頭顱改蕭條
節序遷行將蠶測海空待地流泉獻璞悲和泣
辭金憶震賢世途從汨汨

王道本平平東魯衣冠盛中原禮樂專遠塵山
出沒大野輟盤旋砧響千門急蟾光幾度圓窺

斑嗟隱豹顧影笑飢鷗古水縈長帶晴雲擘亂
綿弓亡元在楚臺迥亦趨燕羽服陪

瑤殿

天厨錫綺筵域中知道大物外愧身先
歸意驚張詠離居老鄭虔風行猶有待
歲晚薄言還城郭人依舊湖山景自妍
艤舟臨斷港散策陟層巔苑廢移山鬼
祠荒謁水仙壞梁殘白蟻舊物失青羶
落景連村雨薰風一樹蟬野茶伸雀舌
林蕨豎兒拳挂劔尋新塚懷人嘆逝川
計踈生坎壈道直受迍遭穴冷拖腸鼠
槎依縮項鰌愁

鴟休嚇食饒犬誤垂涎業在詩三百沽從斗十
千舉觴欺大白隱几味重玄淚盡山陽笛耕無
杜曲田苦吟期自放脫稿怕人傳虎變愚難測
龜藏我獨然梅花開又落誰復繼殘編

贈王可受

天上白日苦易傾湖外青山色長好卧沙禿柳
回古春劍脊菖蒲瘦如草大船十丈騰五章絲
管嘈嘈故相惱誰於此理得其全人間久欠眉
山老淮陰才子心好奇忽地入門喜絕倒濕雲
吹雨紙上飛急觴一舉開懷抱看君學業須立

成筋力慚余向枯槁靜吟不作西子妍粉白黛
黑盡一掃更待秋風入杖藜與爾西山事幽討

奉酬秦軒蔣明府惠詩集

六義陳國風篇章著三百齊梁變浮靡雅道日
崩迫大曆拯頽波雄鳴破昏惑有如赤水珠妙
在心自得秦軒儒門老赤手探月窟折得芳桂
枝月姊不敢惜吞香入肺腑出語固超特夜久
虛室靜淡淡月光白一讀回古心再讀動精魄
乃知天地間元氣運不息高松挺節操衆卉失
顏色小子愧學詩應當取其則

遊淇綠園

久雨今日晴芳意亦可悅前川有名園杖策信
步屨主人雅好事高興乃激越長源溯淇水規
矩隨曲折開軒遠色至平挹山數壘酌我以金
罍飡我以玉屑森爽空光流左右萬竹列凜若
隱君子錯磨歲寒節所以賢達人篤靜以脩業
沂詠且及時春風未鷓鴣興來輒自至興盡即
言別相送過河橋青天有明月

題栖碧園

青山多逸士住處絕囂塵不是人間世桃花流

水春晴嵐凝戶牖空翠撲松筠却憶騎鯨客忘
言意更真

曰話金陀遺編奉呈復齋岳仙尉就叙
別懷

宋家王氣久凋零奸檜元來黨彗星
陷得忠良冤漬骨路人空唾牧牛亭

一篲功成觸禍根忠名還與此山存
寺田廢盡誰能復武穆王家六代孫

王孫德業是真儒楚楚衣冠六十餘
漸覺令人不好武傳家惟只用詩書

相逢傾蓋即相知
醮罷星壇祇說詩
今日河橋還愴別
柳花飛雪未多時

雙鶴吟寄友人

依依兩白鶴
歲久住青田
一鶴垂兩翅
飲啄沙汀煙
一鶴展長翮
冥冥自冲天
思之不可見
獨立秋風前
有時月夜羣
動息孤唳一聲
山水碧凝眸
側頸復裴回
磊落空林風
露濕故人獨
抱經濟才淵
珠炯炯光難埋
江南地暖梅花開
折花待君君不來
梅花歲歲開
又落空向梅邊詠

雙鶴

春日幽居和韻

吟多頭已白望極興偏長
人靜坐臨水蝶高飛
過牆踈簾通草色急雨減花香
幾畝山田在
耕憶汶陽

閑門芳草遍長日付文楸
琴潤迎梅雨衣單近
麥秋一春添藥債
兩眼只詩愁更欲拈書賣
湖邊買釣舟

鷺

水風吹冷逼菰蒲藕葉欹
斜一半枯玉立鷺鷥
鷺鷥
渾不動滿身煙雨看西湖

飲餞交友

何處坐愁思西風吹客塵酒餘離岸櫓秋老倚樓人言道無知己苦吟室後神還歌三疊意慘淡別交親

送鄧蓀壁回師壇

紫府仙人玉練容偶隨笙鶴下天風一千餘里梅花外二十四巖江水東贈別篇章今日賦論文樽酒幾時同不知三疊琴心裏早晚誰先上道功

和張伯雨見寄懷友詩韻

古道向淪沒世遠懷義軒衰梧鳳難止惡木陰
易繁况茲雨露濡何以杜本根衆鳥欣所託日
暮爭奪喧喧卑令人瘦曠達寄琴樽士有張伯
雨壯歲高誼敦豈無青雲交秋風過閑門好古
既不浪汲汲資討論幸有茅簷下冬日可負暄
所以陶元亮欲辨已忘言

送蔣月屋歸富春并序

富春才士蔣月屋於大德癸卯冬始予識面一
語合道如平生親予愛其學贍而不矜處和而
節禮故日與青衿之徒誨而不倦凡寄予數詩

皆深入唐人之室讀之使人擊節欣嘆今詩家
行輩中不可多得江空歲晚掉頭言歸則世故
可知矣輒成律詩二首以罄別懷同鴈春吳寄
書可待

相見即傾蓋生涯同苦吟時情不好古雅道少
知音木落年華晚帆懸雪意深男兒無別淚此
日亦沾襟

論交不易得此別轉難忘模楷存前古篇章逼
盛唐早梅歛嶺白寒日照江黃家近巖陵瀨垂
鈎莫謾忙

至節即事 并序

癸酉歲長至節例王建體偶成絕句十首予年
始二十即一時之事寓一時之意故淪落不復
收今於故篋中得其舊藁青燈三復如對故人
樂天云欲留年少待富貴富貴不來年少去乃
知年少承平之樂誠不易逢三十餘年恍一夢
寐吁予老矣滿簪華髮投迹空林情之所來不
覺涕下故錄于卷末以重感慨云

觀臺雲物已書黃頰卜年豐喜倍常萬姓只知
行樂處更無餘事可思量

天街曉色瑞煙濃
名紙相傳盡賀冬
綉幕家家
渾不捲
呼盧笑語自從容

閑看來往坐多時
雨灑香塵土濕微
珠翠壓頭
行不穩
嬌羞兒女把人衣

照席銀山處處同
綺羅人坐畫堂中
笙簫未動
初筵秩先命
歌兒勸冒風

昨夜梅花已報春
地瓶移插更精神
酒酣纖手
爭來折鸚鵡
回頭不敢嗔

已有紗籠照舞兒
喧喧鼓笛自相隨
誰家院落
來呼喚
門外天明也不知

簾旌疊疊綉鮫綃遮護香風不放消却恐酒闌
先睡去預教小玉問明朝
新詞聽徹思徘徊侍女擎羹下筋遲紅燭有花
心暗喜流蘇雙挂玉梅枝
店舍喧譁徹夜開熒煌燈火映樓臺歡遊未曉
不歸去早有元宵氣象來
軋天行健復初陽宮線還添仞日長報荅升平
將一念家家人靜爇爐香

追別詩友

送客歸來益自驚飄零又覺歲華新
瑤琴絃絕

知音在紙帳燈昏得夢頻江上有家皆舊業門
前無路不通津詩人漸漸東西去誰為梅花報
荅春

贈梓山桑醫士

上下膏肓二豎欺煙霞痼疾我難醫曾聞適口
非良藥劉氏從教未得知
扁鵲秦和久不聞桑君百世有神孫囊中羞澁
匱中富藥券如山總不論
臨淄古有淳于意茗水今傳桑梓山已見高名
藏不得長留詩卷在人間

冬日閑居

世事於人喜漸稀
交游惟寄隱居詩
旋營暖閣延閑客
自斫寒蘆葺破籬
心懶尚餘詩骨健
年高常被鬢毛欺
悠悠此意誰知得
萬里天風鴈過時

題節婦崔氏傳後

貞婦抱節操
彼蒼何降割
志士懷孤忠
豈謂靈均奪良人一已逝
大力難回翰
依依撫耄稚
終作守義活姑死
復厚送兒成
固超達萬古如明
月光彩不可掇
詩罷神亦驚
落日湘江濶

鷺鷥

羽毛疑積雪久立小溪傍
只見身不動豈知心
更忙眼迷寒藻色夢結白蘋香
應恨魚難得遙天又夕陽

村中書事

桑條漸綠雨晴初二月
風光似畫圖茅店酒香
欣過客腰邊懸出草葫蘆

餉留兒女自喧呼指點春禽又引雛
村婦相逢還笑問把蚕今歲是三姑

軋軋綠車草屋低新篁帶籜出
簷齊鷺雛未省

逢人避直向路傍花上啼
神旗社鼓簇林煙野老村童滿路喧但得秋成
官役少免教兒女賣田園

宜興張公洞

嵌巖竒恠復嶺岼雲遶香臺奪目寒洞口無人
逢果老石頭何代化靈官泥存丹竈千年迹花
落清樽此日歡飲罷沈吟未歸去松陰露滴楮
皮冠

送陳渭叟回山居新隱

問君何事遊春城黃塵不礙雙眼明碧桃開盡

且歸去新宮正待山玄卿

春歸曲

平林靜綠生幽芳
桃脂杏粉擷蜂房
西樓浪客唱別恨
屈卮酒暖珊瑚光
百勞留春春不許
愁鬢喃喃如寐語
翠鴉遊女捲香歸
一夜花神老風雨

閑意

落花時節雨冥冥
門掩春風遠市聲
生怕閑人談俗事
自開芳徑寄幽情
團煙野竹侵霄立
巢樹馴鳩傍客鳴
却笑西湖鷗與鷺
亂眠沙嘴見

船驚

感懷

山南山北菜花黃又做春風夢一場多少亭臺
渾不見欲憑煙鳥問斜陽

送王可受之京并序

淮陰王可受奇才高義志在四方一旦東書來
杭故流俗罕交簞瓢自若也且夫大塊賦形所
稟則異而分投膠漆者古亦鮮聞僕與可受會
面稀而襟誼合遽尔云邁能忘愴然吁聚散有
常徒感文通之賦出處努力當懷子美之詩輒

成短章少伸別緒車既膏矣夫復何言

浩浩康衢塵迢迢長安陌疊疊經天雲遙遙遠
行客之子當盛年詩書滿胸臆培風搏九萬會
見生羽翼翻思夙昔情對面成脉脉不是臨行
不贈言自是愁多言不得言不得天長水濶無
奈何高拍闌干衆山黑

訪山家不值

雲裏掩雙扉何山採蕨薇苔痕彌坐石竹色犯
行衣露蝶一團宿風花四散飛靜中觀物理各
自盡天機

至大己酉春

天師教主大真人
俾予佑聖觀虛白齋
高士謹裁七言律詩一首辭謝

盤空獨鶴下仙壇
紙上春風墨未乾
駑馬斲無千里志
鷓鴣惟羨一枝安
青天蕩蕩玄恩大白
髮悠悠世路難容得
閑身老林壑湖西山色倚
樓看

雜詠六言

堤晚遊人爭渡
花密流鶯亂鳴
近水亭臺柳色
轉山樓觀鐘聲

半村半郭幽隱不羈不束閑身無利無名到念
有詩有酒酬春

煙外幽人獨立落日正照平臺野鷺聯翩飛去
山雲斷續歸來

楚尾吳頭舊夢水邊山際閑情一夜杏園風急
等閑吹老鶯聲

野渡綠波芳草落日青山杜鵑多少臨歧別恨
送君歸去閑眠

地幽

地幽無客過閑居種藥荒園手自鋤湖海故人

何處在十年僅得兩回書

聞蟬

短翼含風薄似秋一聲聲帶夕陽愁年年古柳
官塘路催得行人白盡頭

涼夜

漸喜親燈火更深獨坐時一庭涼雨歇百種草
蟲悲吾道思浮海人心似奕棋昭文琴不鼓何
處覓成虧

晴湖

晴湖闌檻外望憶十年遊吟靜得新意人閑生

古愁高煙羣木淡
遠水亂山浮
幾欲乘流去
鄰家有釣舟

為松瀑黃尊師作溪山疊翠圖

平生固多愚
懶惰足棄捐
頗有詩畫事
與物相磨研
恨無鵝溪縮
幽意鬱不宣
秋晚形神清
落筆且周旋
尺素混太古
象具剖闢先
溪山忽重疊
浩思浮雲煙
樓觀金碧開
衆態敷幽妍
秋色挾以至
高風生樹巔
羣有備一幻
孰謂理不然
老耳厭喧卑
但覺靜所便
幸遇古君子
締此翰墨緣
見山有真意
淵明得其全

九日

把酒且酬重九節
龍山會散幾斜曛
朝詩謾憶孫廷尉
落帽今無孟府君
冉冉黃花從古有
寥寥清事更誰羣
高歌大笑人間世
我亦天涯一片雲

水軒秋眺

幽軒駕平湖
納納縱秋望
目極心自遠
頗覺晚塵埃
融雲積白黑
詭恠出萬狀
山坳日色破
川光亂流浪
庭桂復憐人
稍稍金粟放
豈無數日好
為我發清曠
花落有時榮
我老無日壯
幻逐

心境移了識死生
妾委順夫如何忍使靈物喪
回首送扁舟孤燈照漁唱

飛霜歌

飛霜悴百草芳蘭亦委柯
縱欲努舊力奈此寒風何在
昔結花初豈不受春多
恥隨桃李場託迹空山阿
四時有代謝陽艷忽已過
薰蕕苦不辨一體同消磨
不如牡丹根密幄相遮羅
傷心復傷心傷此飛霜歌

旅夜

自慚身世拙客裏更闕情
月樹回涼影秋聲疊

夜砧道能忘畏壘酒不破愁城睡薄吟魂冷西
風亦屢驚

寄澈川楊如山

吾聞沙丘之馬黃驪牝牡世莫知九方臯去不
復有天風吹我滄海邊忽地相逢釣鰲手論文
託契輸心曾傾倒金樽斟綠酒登高望遠古意
多百年之樂能幾何男兒屑屑志不展秋霜滿
鬢空蹉跎酒酣眼極情未畢笑指青山歌落日
却憐徐福向蓬丘蒼蒼煙浪無消息明朝挂席
我歸來西湖十月梅花開梅花開動詩思思君

不待春鴈回回之一寄平安字

送徐芝石之饒陽稅使

別袂分吳地之官及楚之鄉還聞稅歛薄會見姓名香山晚雲侵樹江春燕語樞公餘詩思好風月屬鄱陽

春日獨坐言懷

昔日歡娛憶此身名園歌舞接芳辰蟄雷夜送催花雨香逕春迷闔草人合沓樓臺形勢壯風流鶯燕語言新眼前舊物渾狼籍休恠提壺勸客頻

寄題皆山樓

仙人好樓居縹緲半空立吐納萬里秋回合數
州碧倚檻足吟嘯四面嵐氣入下視塵土中日
夜風雨急處士種茶處髣髴白雲濕何時一登
臨啜茗坐終日會待飛蓬山清風生兩腋

桃花

淺碧繁紅又滿枝化工消息本無機艷滋曉露
鶯搖落香漬春泥燕掠歸金谷園中芳草在玄
都觀裏昔人非自漫雲隔天台路劉阮如今夢
亦稀

閑中書事

不甘老眼坐相欺
抄盡窓前近作詩
日理舊書傷故友
偶經閑事憶前時
綺羅香散春風老
鼓角聲來夕照遲
咫尺青山歸未得
可憐辜負白雲期

送張仲美之黃陂縣令

夫子先流輩之官
冰蘖清吟高存雅道
歲晏識交情
天路飛鳧下
津亭候吏迎
黃陂嘉政在
沈愛入琴聲

春日寄友人

聞道西山春事稠
一年能得幾回遊
莫教桃李虛開盡
準擬百錢懸杖頭

行春

行春無侶自遲留
汀草汀花暖更稠
馬接近來成矍鑠
謝安應合減風流
乍驚語燕穿人屋
無賴遊絲絆客舟
老我光陰忽如此
不判樽酒復何求

無營

宇宙春風起無營
只閉關魚龍趁化日
猿鶴戀空山
去浪溶溶外
飛花擾擾間
人生謾多事
不

及嶺雲開

送桐廬徐教諭

詩禮名家積慶餘
桐江文掾着鞭初
不惟鄉里能稱善
轉使兒童愛讀書
芹水春香心自得
萱堂日暖喜何如
却憐垂白嚴陵老
萬頃煙波學釣魚

題彈琴画卷

伯牙彈古調
冲淡心天倪
六馬猶仰秣
其朕乃得窺
至音存至寂
未必鍾期知
昭氏在不鼓
然後無成虧

世情

世情人事兩蹉跎
一夜西風掠燕窠
不見襄陽
于節度青山空羨白雲多

雙鳳普福觀瑞芝

雲朶絲金疊幾層
似聞雙鳳遺瓊根
潤浮玄圃
煙霞氣色凝天壇
雨露恩綺皓
欲尋還有約
橐駝雅巧未須論
由來福地多祥瑞

萬歲千秋祝

至尊

寫意

諸機忘已盡魚鳥日相親移竹喜逢雨訪人愁
問津杖藜徒步弱行李索居貧未遂平生志長
懷鄭子真

山中重九二首

忽忽九日至幽致饒山家石根去年菊復作今
歲花弱枝不自立罷罷相交加恐尔霜風來寒
英委泥沙流日不相貸袞袞天之涯登高豈無
人所欠惟孟嘉且就菊花飲寧復空谷嗟

東籬菊花開每憶陶彭澤今人非昔人此士難
再得隱几盼庭柯不語心惻惻遙憐柴桑里千

古南山色

秋日閑咏二首

西湖晴雨畫圖間，坐倚闌干自解顏。
無酒可供千日醉，有錢難買一生閑。
草衰春色來時路，鶴宿秋聲起處山。
笛吹殘天又晚，釣舟燈火入蘆灣。

蘆灣

湖西日落湖東陰，湖邊樓觀環蓬瀛。
孤山雲氣出亂樹，六井水派通古城。
土風猶祠李相國，菊泉誰薦蘇端明。
我有新詩弔暮景，昏目短難為情。

蟹二首

最憐生沮洳画手亦曾摹郭索
趁船火爬沙出岸蘆傍行知性
躁實腹任腸無張翰思歸興當
年誤憶鱸

慣穿籬落罅邊來名負橫行誤
被猜水國霜微初上筍沙田稻
熟已朝魁目傷煦沫依筠籠忍
見持螯薦菊杯籍籍禮經曾載
入臨風吟詠獨徘徊

贈鶴泉丁處士

海鶴傳書謁洞天少微星已照
林泉步兵未合

判長醉執戟終懷草太玄清唳一聲孤嶼外飛
流千仞亂雲邊小山叢桂能招隱細把推敲問
浪仙

就前韻寄翁子善

已斲平生不問天派年混混似原泉短檠事業
拋儒素老境光陰味道玄池草又生春夢裏野
梅閑落暮愁邊羣書讀盡成無用自課青童小
學仙

奉簡黃瀑翁求示病懷賦藁

志士抱幽獨病懷吟楚聲聲悲多激越天地慘

不明中有孤直氣叩之金石清金石無變質形
器非常名是身不有擺落大患嬰所以南郭
翁存此隱几情清商切暑勢陰陽適相傾攢攢
得失根寵辱盡若鷲保守堅貞節糾結歲暮盟
願君枉來章讀之平不平

自適

螢雪無功志已違此身堪笑復堪悲爐中化藥
慵求術夢裏逢人也說詩固節謾教貧女媚背
時翻學小兒癡百年傳舍終塵土多事揚朱泣
路岐

送恩斲江住平江天平寺

雲門和尚舊家風
聞道宗通說亦通
佛法悟來曾徹底
江流截斲合朝東
指頭龍象叢林喜
句裏乾坤大藏空
想得禪餘詩興好
鐘聲半夜月明中

春雨寄興

尋芳每恨出郊遲
白髮看春亦自嗤
待得雨晴無暇日
年年說過落花時

暇日偕林芝巖數詩友清游分韻得山

地僻幽棲絕往還
門聽佳客喜開關
觚稜轉影

日過午鷓鴣不鳴春滿山萬古乾坤詩卷在百
年身世釣舟閑玄都道士休慙思為報劉郎鬢
已班

小軒晚望感懷

依依城郭在者舊盡凋殘赤水求珠易青天繫
日難壯遊多入夢落景獨憑闌歲月無情極相
思煙水寒

霞外詩集卷第五